


# MIBUZYO A BWIINGUZI

## YA MATALIKILO

 Lino, ikuti na umwi ujisi mibuzyo eyo njo bayanda kupa, baa, kuba tonta buyo atala eni, lekela mwana umwi kubaleta na kufumbwa nco yanda. Na, ndiza, ikuti na twa manizya. . . Ndi—Ndi jisi kutandila cisambomwe awa peegi lyomwe, elyo mpawo awa, mpawo tu jisi bobilo okuya.

<sup>2</sup> Lino, tuli. . . tu yanda kuziba. I kaambo nco tucita eci nkuziba eco cili mu mizeezo ya bantu, eco ncoba yeeya. Mwabona? Elyo eco nce cibamba mbungano, mbotu yanguzu. We elede kuba a i—i ziindi, mbuli buyo mbo eelede kugusya nsoke, nywebo mulizi, a zintuzyonse, kugwisya i—i zintu munzila kutegwa wakonzya kweenda cakutonkomana. Aboobo lino nke kaambo tulaba abusiku bwa mibuzyo mu ziindi zisyonto, zya kuziba.

<sup>3</sup> Lino, ikuti na kuli mibuzyo imwi eyo. . . Lino, eci ciindi Nda baanga nda ijula, mu bukwasule. Elyo Nda kati. . . Lino, kwakali kunga Nda amba, “Lino, ikuti na umwi. . . kufumbwa buyo cintu cijatikizya ku—ku Lugwalo; kwiingula. Ko cibuzya.” (Nda kulumba, mukwesu.) Elyo Nda kati, “Kufumbwa buyo cintu cijatikizya Lugwalo; kwiingula.” Mwabona, elyo inga twa ingula. Pele sunumasiku Nda amba. . .

<sup>4</sup> Yebo ulizi, mpawo bala boola koonse, ba laamba, “Mukwesu Bill,” wandibuzya mubuzyo, “sena muyeeya kuti—ikuti—ikuti na *Niini-a-niini* wakacita cintu cili *boobu-boobu*, sa obo Mbunakristo?”

<sup>5</sup> Ee, oko nkubaanga nkutonta kuzwa ku muntuumwi. Pele Nda kati, “Baleke babe abo sunumasiku.” Mwabona, eco cili kabotu. Aboobo inga twa ziba buyo ikuti na kuli umwi kutonta kucitwa.

<sup>6</sup> Oh, Nda—Nda—Nda limvwa kabotu ncobeni sunumasiku. Bwizu bwakafuta masikati oonse, aboobo Nda limvwa kabotu ncobeni, omuya mu zuba lipya.

<sup>7</sup> Tu jisi ii—ii muswaangano uboola cakufwambaana loko lino, muta lubi. Mu vwivwi wa twenti thrii, ku Stadiamu mu Chicago, mane mu Itwi wa faivi. Kulangila ciindi cipati mu Mwami okuya. Elyo kwa kazibisigwa koonse lino, alimwi oonse mapepa aandeene ali mukucibweza. Elyo tu langila ciindi cipati.

<sup>8</sup> Lino, Ndi jisi yomwe, tuu, thrii, foo, faivi, sikisi, Ndi yeeya kuti, peegi lyomwe awa. Elyo coonse cibaanga cijatikizya ku cintu nciconya, kaindi mu—mu Bbuku Iya Matalikilo.

<sup>9</sup> Lino, lutaanzi ngu Matalikilo 1:26, na 1:26 kusikaku 28, mpempawo i—i muntu a i . . . ba kabuzya mbo ciyooba. Ino—ino mubuzyo oyu . . . Nda amba, wabuzya mubuzyo, mudi jatile. Elyo tu yanda kubala oyo lutaanzi. Elyo lino, ba kacilemba abusena awa. Ikuti na muyanda kucitobezya kusule kwini, cili kabotu. Kati, “Leza wakalenga muntu, mweenze a muzyazi waka Balenga.” Mwabona? Elyo mpawo muli citobela ujisi Matalikilo, na, walo na walo, umwi, ujisi Matalikilo 2:7, “Wa kapanga muntu kuzwa ku suko lya nyika.” Obo mbusena bumbi. Nda ibala yoonse, kutegwa twa ibungika antoomwe awa kutegwa mukonzye kubona. Lino citaanzi, bwaambe butaanzi bwa ceeci ngu, lino kati:

1. **“Leza wakalenga muntu, mweenze a muzyazi. Kalenga muntu, mweenze a muzyazi.”** Lino eco, Ndi yeeya kuti, kaambo kataanzi. **Lino mu Matalikilo 2:7, yaamba kuti, “Wa kapanga,”** (kweengelwa) **“pele lutaanzi Wa kalenga.”** Uli jisi mpawo . . . oyo wa cita kweengelwa. **“Elyo Wa kapanga”** (kweengelwa) **“muntu kuzwa ku bulongo, a kuyoya mu mpemo zyakwe,”** azimwi zimbi. **Lino, ino ndwandaano nzi, na mpaali ajisi kuswaangana mu Magwalo atala?**

<sup>10</sup> Lino, eci ngu . . . Lino, ikuti na mwa cilemba, Matalikilo 1:26 kusikaku 28, a Matalikilo 2:7. Lino, ncintu nciconya cinyonganya maningi, alimwi Ndi—Ndi ndiza . . . Ndi jisi buyo muzeezo wangu wini wa ncico, aboobo Njo upa buyo kuli ndinywe munzila Nje limvwa kuti mbo cibede. Elyo ikuti na yebo waimpana, ee, eco cili kabotu buyo.

<sup>11</sup> Ndi yanda kulumbaizya Mukwesu Neville aa bwiinguzi bubotu mbwa kapa ku mibuzyo eyo okuya. Lino, bali kabotu.

<sup>12</sup> Lino, muli ceeci, Matalikilo 1:26, Leza wakapanga muntu mu cinkozya Cakwe Mwini. Elyo ikuti na mwalangisya, tula cijana kutegwa mukonzye kucibala, a 26 . . . Ikuti na uyanda kubala antoomwe a ndiswe, inga twa kkomana nkambo ka nduwe—nkambo ka nduwe kucicita, kondi lingula.

*Elyo Leza wakati, Atu pange muntu mu cinkozya cesu, mbuli bukozyanye bwesu: a kubalekela kuba a bweendelezi ku nswi zya lwizi, . . . i ku bayuni ba mu luwo, . . . i ku ng’ombe, . . . zya nyika, a ku zintu zyoonse ziyavula ezyo zikalaba aa nyika.*

*Aboobo Leza wakalenga muntu mu cinkozya cakwe mwini, mu cinkozya ca Leza wa kamulenga; mweenze a muzyazi waka balenga.*

<sup>13</sup> Lino, oyo . . . Nda kaumwa oyo kuubandikwa ziindi zinji, a ku nyika yonse, mibandi yaka yuuka ali ceeci. Lino mu Matalikilo 2:7, amulangilile eco Nca kacita awa. Yaa, Nceeci we:

*Elyo . . . Leza wakapanga muntu kuzwa ku bulongo, a kuyoya mu mpemo zyakwe kuyoya kwa buumi; nkabela muntu wakaba buntu bupona.*

14 Lino, musyobo nzi wa kubumbwa . . . ? I—i sikubuzya uyanda kubuzya:

**Ino nkuswaangana nzi nko kujisi kwa aya Matalikilo 1:26 akwa Matalikilo 2:7?** Leza wakalenga bantu bobilo. **Alimwi oyo wakali muntu, alimwi oyo . . . Ino nkuswaangana nzi oko nku kujisi? Ino . . . ? Mbobuti mbo kuswaangana mu Lugwalo?**

15 Ee, lino, ikuti na mwalangisya kabotu lino, mu Matalikilo 1:26, atu bweze cibeela citaanzi kuba citaanzi. Leza wakati, “A Tu.” Lino, “a Tu,” *tu* ngu ii . . . “A Tu lenge muntu mu cinkozya Cesu Cini.” *Cesu*, mubwini, tula mwisya kuti Uli mukwaambaula ku Muntu umwi, Wa kali kukanana ku Cilenge cimbi. “A Tu lenge muntu mu cinkozya Cesu Cini mbuli bukozyanye Bwesu, a kubalekela kuba a bweendelezi ku banyama ba musokwe.”

16 Ikuti na mwalangisya, mu bulenge, cintu citaanzi eco cakalengwa, mubwini, wakali mumuni. Wa kaseluka kwiinda mu bulenge, cintu camamanino cakalengwa cakali cinzi? Ii mwaalumi. Elyo mwanakazi wakabambilwa mwaalumi. Yaa, citaanzi . . . Cintu camamanino eco cakalengwa, ca bulenge bwa Leza, mukowa wabantu.

17 Pele cindi Leza nakabamba muntu Wakwe mutaanzi, ikuti na mwalangisya, Wa kamubamba mu cinkozya Cakwe, wa kabambwa mu cinkozya ca Leza. Elyo ino Leza nguni? Lino, ikuti na twa konzya kuziba obo Leza mbwa bede, inga twa ziba musyobo wa muntu Ngwa kapanga.

18 Lino mu Musalali Johane, cipati 4, elyo Njo . . . amu bale eci, Jesu kakanana ku mwanakazi mu i . . . ikuti na muyanda kuvununa kuli nceico. Ndi . . . muku taba aciindi cinji, Nse alemba onse, ku cibweza buyo mu kuswata. Elyo mwa zilangalanga lino, ikuti na Nda konzya ku zijana kufwambaana ncobeni. Lino atu talikile kutandila cipati ca 4, a kampango ka 14:

*Elyo kufumbwa uunywa ku maanzi aya Ngeyo pa kuli nguwe takafwi limbi nyota; . . . a kuba bulolo bwa maanzi ituntmukila ku buumi buteeli.*

*I mwanakazi wakati kuli nguwe, Munene, kondipa maanzi aya, kuti Nta . . . ka booli limbi kuzoteka okuno.*

*Jesu wakati . . . Koya, elyo ukaita mulumi wako, . . .*

*I mwanakazi wakaingula . . .*

19 Nda syoma tweelede kuba aatala aniini eno, kuziba, kuziba eco—eco nce Ndi yanda kuti mubone awa. Ndiza kutali, ndiza Nda konzya kwijana kunselelo awa, a ceeco Nce yanda kubona. Waamba nzi? 23 a kampango ka 24. Yaa.

*Mula komba . . . (nce nceico) . . . Mula komba nkabela ta muzi cintu: tu lizi eco nco tukomba: nkambo lufutuko ndwa ba Juda. (elyo mbo mbubo, mwabona)*

*Pele oora lilasika, . . . Pele oora lilasika, elyo lino nko lili, lyakuti bakombi beni (ba Juda na Bamasi) bayo komba Taata i mu muuya a mu bwini: nkambo Taata uyandaula bali boobo baku mukomba.*

20 Lino, kampango katobela mpaawo Mpe yanda:

*Leza walo Muuya: alimwi abo ba mu komba beelede ku mu komba mu muuya a mu bwini.*

21 Lino, ikuti na Leza wakalenga muntu mu cinkozya Cakwe Mwini a mu bukozyanye Bwakwe Mwini, ino musyobo nzi wa muntu Ngwa kalenga? Ii muntu muuya. Lino, ikuti na mwalangisya, Na kamana kupanga bulenge boonse, a kulenga muntu muuya, i kubala kabotu kwa ceeci lino (kuli oyo wabuzya mubuzyo) uyo jana ceeci, kuti Leza wakapa bweendelezi bwa ng'ombe a nswi a zintuzyonse ku muntu. Pele, mu kulibamba Kwakwe okuya, Wa kapanga muntu mu cinkozya Cakwe Mwini kusololela ng'ombe, kusololela banyama ba musokwe, mbuli buyo Muuya Uusalala mbo usololela musyomi sunu. Mwabona?

22 Wa kali, mu majwi amwi, Adamu, muntu mutaanzi mu zilenge zyaansi zya Leza. I bulenge butaanzi wakali Leza Mwini; mpawo kuzwa kuli Leza kwakazwa Logosi, oyo wakali Mwana wa Leza; mpawo kuzwa ku Logosi, eelyo lyakali Ijwi ("Ku matalikilo kwakali Ijwi, alimwi Ijwi lyakali antoomwe a Leza, alimwi Ijwi wakali Leza. Elyo Ijwi lyakaba mubili wabantu a kukkala akati kesu."), kuzwa mu Logosi kwa kayutuka i—i muntu.

23 Oh, Ndi jisi cifwanikiso cibotu mu mizeezo yangu lino, ikuti na wakonzya kubweza lweendo luniini antoomwe a ndime. Nda syoma Nda kaambaula ali ncico kale, pele kuleta eci ku busena oko nko muyooba masimpe kucibona. Lino, atu bweze lweendo lusyoonto a kujokela kwa kaindi kaniini. Lino, muta yeeyi obo mbo kupya, atu bikke mizeezo yesu mpoonya ali ceeco nco tuyo ambaula a kuyeeya lino.

24 Atu jokele myaka ali mamilioni ali mwaanda kakutanaba nyenyeezi, mweezi, na kufumbwa cintu mu inyika. Lino, kwakali ciindi ni kwaatalikwe cintu awa, kwakali buyo kwalyonse a Butamani. Elyo koonse kwakaliko a Butamani wakali Leza, Wa kaliko ku matalikilo.

25 Lino, atu sike kumpela lya zijatililo akulangula a kubona ezi zintu kazicitika.

26 Lino, "Taakwe muntu wakabona Taata kufumbwa ciindi." Taakwe muntu ukonzya kubona Leza mu ciimo camubili, nkaambo Leza tali mu ciimo ca mubili, Leza Muuya. Mwabona? Yaa. "Taakwe muntu wakabona Taata, pele simuzyalwa alikke wa Taata ngu waka Mu lungulula," 1 . . . Johane, mwabona.

27 Lino, pele amubone lino, kwiina cintu, kuli buyo busena. Taakwe mumuni, taakwe mudima, taakwe ciliko, ciboneka buyo kutaba ciliko. Pele mukati muya kuli Cilenge cipati

cigambyakwiinda, Jehova Leza, Oyo wakavumba busena boonse bwa masena onse ku ziindi zyoonse. Wa kali kuzwa ku buteeli kuzwa ku buteeli, Walo matalikilo aa bulenge. Oyo ngu Leza. Konzyi kubona cintu, kutakonzya kumvwa cintu, kutali kweenda kwa atomu mu luwo, kutali cintu, kutali luwo, taakwe cintu, pele nekubaboobo Leza wakaliko. Oyo wakali Leza. (Lino atu langilile kwa maminiti masyoonto, elyo kwainda kaindi. . .) Taakwe muntu wakabona Ceeco, lino, Oyo ngu Taata. Oyo ngu Leza, Taata.

28 Lino amubone. Mpawo kwiinde kaindi Nda katalika kubona Mumuni muniini uusetekene katalika kupanga, mbuli mubalo muniini wamumuni na cintucimwi, inga wakonzya biyo kucibona kwiinda ku meso aa kumuuya.

29 Pele amulange lino, kuciindi notu langa, mbungano yoonse lino. Tu liimvwi ku cijatilili cipati maningi, kulangilila eco Leza ncali mukucita. Elyo tuyo selemukila kwini ku mubuzyo oyu awa nkabela muyo bona obo Mbwa uleta mukati.

30 Lino, taakwe muntu wakabona Leza. Elyo lino, cintu citobela nco twa katalika kubona, ku meso aa kulanga kugambya kwinda, tula bona Mumuni muniini uutuba kaupangwa okuya. Ino ncinzi eco? Eco cakaitwa, kuli basikubala ba Bbaibbele, “Logosi,” na “i bananike,” na “i bunanike,” na i. . .mbuli mbo Nda kali kuunka kwaamba, i—i cibeela ca Leza cakatalika kukomena mu cintu cimwi aboobo bantunsi bakali kukonzya kuba a musyobo umwi wa muzeezo Mbo wakabede. Wakali muniini, uubaukide. . .Mumuni muniini, kaweenda. Wa. . . Elyo lyakali Ijwi lya Leza.

31 Lino, Leza wakapa kuzyalwa Mwini ku Mwana oyu oyo wakaliko kakutanaba akwalo atomu mu i. . .na luwo kupanga atomu. Eco cakali. . .Mwabona, Jesu wakati, “Kondi lemya, Taata, a bulemu obo Mbo twa kajisi kuzwa ku malengelo aa inyika.” Mwabona, kaindi okuya.

32 Lino, mu Musalali Johane 1, Wa kati, “Ku matalikilo kwakali Ijwi.” Elyo citaanzi. . . “Elyo Ijwi wakali Leza. Elyo Ijwi lyakaba mubili wabuntu a kukkala akati kesu.” Leza kalivungulula Mwini, ansi ku muntunsi. Lino amulangilile obo Mbwa kacicita.

33 Lino, kaindi okuya, mpawo, cindi mubalo oyu muniini aboola. Lino, ta tukonzyi kubona cintu nekuba, pele kwiinda buyo ku meso aa cigambyo ciinda tu bona mubalo kaimvwi alya. Lino, oyo Mwana wa Leza, Logosi. Lino, Nda konzya ku Mu bona kasobana mbuli mwana muniini, kumbele lya mulyango wa Taata, a Butamani boonse. Mwabona? Elyo, lino, mpawo mu bupenge bwa kwezeezya Kwakwe Wa katalika kuyeeya zintu mbo ziyoba, alimwi Nda konzya ku Mu mvwa kati, “A kube mumuni.”

34 Elyo cindi Na kacita, atomu yakabbotoka nkabela zuba lyakaba. Lya kazunguluka kwa myaanda ya mamilioni amyaka,

kupanga zyaansi loko, akuyaka, a kupanga mbuli mbo kubede asunu; li ciyaka, li pasaula maatomu. Ikuti na bbombalya atomiki likasole kwaangululwa, nketani ya atomiki inga yabweza. . . eyi nyika inga yaba mbuli zuba, kulaale, kubbotoka buyo a kifulida. Ikuti na wakonzya kwiimikila atala lya kkontinenti imbi aku sondela ceeci, inga calibonya mbuli zuba limbi, oko maatomu nkwa kali kuumpa nyika eyi, ikuti na nketani yasola kwaanguluka nkabela kaizunguluka buyo, kuzunguluka mbuli boobo. Mamilioni a mamilioni aamamaile kusika ku mabangabanga aya mapati ama bbilioni ya Fahrenheiti, ca—ca—ca kupyaa eco ciinka kuzwa ku zuba eelyo.

<sup>35</sup> Lino, amulangilile eci lino. Botelezya! Lino, Wa kapanga zuba. Elyo mpawo, cintu citaanzi mulizi, bupange bupati buubaukide bwa kazwa kuli ndily, twa kali kulema kutandila. . . kutandila buyo mbuli nyika eyi, kaunka “Wuu!” Mpawo oyu Logosi awa lino, Mwana wa Leza, ka langilila, Wa cilekela kuwa kwa myaka ili mamilioni ali mwaanda nkabela Ula cilesya. Mpawo imwi imbi yauluka kuzwa, elyo Wa kailekela (yakauluka kuzwa) kuwida kwa myaka ili mamilioni, mpawo Wa kailesya. Lino, tu liimvwi, kwi langilila kuboola mukuba.

<sup>36</sup> Lino, Uli jisi cintucimwi mu mizeezo Yakwe, alimwi ncinzi Nca cita? Ula lembe Bbaibbele Lyakwe litaanzi. I Bbaibbele taanzi eelyo muntu ndya kasola kulanga zyakali nyenyezi, zodiaki. Elyo cili londokede. . . buyo. . . Ca kanjilana kabotu a Bbaibbele eli awa. Lila talika kweenda, taanzi lya zodiaki ngu nakalindu. Sa mbo mbubo? I mamanino aa zodiaki nceeco? Leo, mulavu. Oko Nkuboola kutaanzi kwa Jesu, Wa kaboola kwiinda muli nakalindu; lwabili, Ula boola mbuli Mulavu wa mukowa wa Juda. Mwabona? Kacidulowing’a koonse, bukkalo bwa kkulenge, a zintuzyonse muciiindi coonse. Lino, Wa kabikka ceeco coonse mu mulengalenga a kucibikka. Onse aya ma meteosi, tubeela twa nyika, na zuba, kalengelela kuzwa awa.

<sup>37</sup> Lino, cindi sayaansi yainka kuyandaula tudandamiti oto twawa, eco tacitondezyi Leza, eco citondezya buyo kuli ndime. Mwabona, eco cicibamba buyo kasimpe loko. Lino, lino amubone, toonse otu tudandami tulengelela okuya kuzwa ku zuba eelyo lipya, a kunjila kwinda mu luwo, mubwini, zya kalibunga antoomwe. Elyo cintu citaanzi mulizi, caka talika kuba cikoto ca caanda.

<sup>38</sup> Lino, eyo yakali nyika eyi ya kaboola mukuba, kabeela buyo kapati kansasii ika kakauluka kuzwa kulaale. Kungsi kwini kwa njiyo lino taakwe ciliko cita kuzunguluka, kuyaka kwa volukkano, kumaninina, kubbotoka kuboola konse, volukkano. Elyo sayaansi itaminina kuti—kuti eyi inyika, cikwabilizyo aatala ali njiyo, mpo tukkala, cili buyo mbuli kuyupa apele. Elyo boonse i. . . Lino, kuli mamaile ali zyuulu zili makumi obilo azyosanwe koonse, antela kwa mamaile ali zyulu zili lusele (oko

inga kwaba kutandila mamaile ali zyuulu zili lusele) kuvula. Elyo amuyeeye buyo, omuya, ngu volukkano iyaka.

<sup>39</sup> Elyo tuu theedi ya nyika, mbotu kwinda tuu theedi ya niyo, ili mu maanzi; elyo wani theedi ya njiyo ili mu cisi, kutandila wani theedi. Elyo eyi ntundubwi, niini mpo tukkala, izwide zibbotoka zya ntenda, magaasi, mungwimba, mafuta, zintuzyonse. Mbo mbubo na? Elyo tuu theedi ya njiyo, mbotu kwinda ya tuu theedi ya njiyo, maanzi. Ni fomyula nzi ya maanzi? Zipanzi zyobilo zya haidrojini a cipanzi comwe ca okusijini, zibbotoka.

<sup>40</sup> Kuli magesi manji mu kaanda koonse kwandaanya kupya kuzwa ku kutontola, nkabela ayo panga magesi manji akubbotola kaanda. Inga mwabikka maatomu manji kwaabikka mu bbola ya goofu kuti abbotole New York kuzwa ku busyu bwa nyika. Elyo mpawo muntu, kakkede aa mupika wa gehena, kaliuma mwini mu camba a kusampaula Ijwi lya Leza, a kwaamba, “Takukwe busena buli boobo mbuli gehena.” (Nda luubwezedede oyo ansi awa aniini, elyo tuyo sika kuli oyo, mwabona.) Uli kkede aa mupika mupati wa ncico buzuba abuzuba. Elyo kuciindi nomu kkede mpoonya awa ali njiyo, a gehena ili kungsi lyanu.

<sup>41</sup> Elyo lino, amubone, pele lino cindi eci nicaka janwa lutaanzi, cindi Jesu. . . Lino amulangilile mubalo muniini kulaale. Lino Nda konzya ku Ci bona kacizwa kuya ku nyika eyi a kusika atala lya ncico a kutalika ku cilonzya awa muni ku zuba. Tacili cintu pele cikoto cipati ca caanda. Elyo cindi aatalika kweenzemuka, mpawo zikoto zipati zyacaanda zitalika kukosola mu manyika akunyiika akuselemuka. Elyo cindi ni cakacita, caka kosola Kansas a Texas a masena oonse kuya, a kuzumanana kuya mu Galufu of Mexico. Elyo cintu citaanzi mulizi, cintu coonse caka vumbidwe aa maanzi.

<sup>42</sup> Mpawo, lino tula njila mu Matalikilo 1, tula sika ku Bbaibbele eno, alimwi aanze lya cifwanikiso cesu ku Bbaibbele. Matalikilo 1, “I nyika yakali pilingene, a kubula zintu; nkabela maanzi akali atala aa busyu bwa kusakene.” Sa mbo mbubo? “Elyo Muuya wa Leza wakeenda atala lya maanzi.” Lino, Wa kandaanya maanzi, kaleta zilundu a masi azimwi zimbi; waka yumika. Zivuna a zintuzyonse, Wa ka panga. Alimwi Wa kapanga mweezi. Elyo kubamba minyinza yayo, ya lwizi, kutegwa itaindilili.

<sup>43</sup> Wa kabweza zintu ezyo zyoonse antoomwe, zyakapanga. . . ?. . . Kabamba zintu zyonse zimbi, bumi bonse bwa banyama, bayuni, inzuki, basokwe, alimwi kufumbwa mbo cakabede, kabikka coonse awa anyika. Elyo mpawo Wa kabuzya mubuzyo oyu lino. “A Tu” (Mbaani? Taata a Mwana) “kubamba muntu mu cinkozya Cesu Cini.”

<sup>44</sup> Lino, ikuti na muntu wakabambwa cintucimwi mbuli Mumuni oyo muniini usetekene kutala, na cintucimwi mbuli

ceeco, Tii cakakonzya kubonwa (cili Ncilenge cakumuuya). Wa kayubulula na kulivungulula Mwini aniini kunji, ku panga trinita Yakwe kwiinda kuli Taata, Mwana, a Muuya Uusalala. Elyo ngooyu wakali Leza, kavungulula Mwini lino, kuselemukila mu “Atu bambe muntu,” oyo wakali mwana Wakwe, cisyuukila kuzwa kuli Nguwe, “muntu mu cinkozya Cesu Cini,” wa kali cilenge cigambyakwiinda. “Elyo abe abwendelezi ku banyama ba musokwe, a zimwi zimbi.”

<sup>45</sup> Lino, mwaalumi wakasololela mwaalumi...kasololela i—i ng’ombe a zintuzyonse, mbubonya mbuli Muuya Uusalala mbo usololela musyomi, wini sunu. I Jwi Iya Leza okuya... I jwi Iya muntu, mubwini, lila konzya kukanana a kwaamba...kwiita ng’ombe munzila *eyi*, kwiita mbelele kuya mu macelelo *aya*, kwiita inswi ku maanzi *aya*. Mwabona, wa kajisi bweendelezi, zintuzyonse ziyaka muswiilila.

<sup>46</sup> Lino, pele mpawo kwakanyina muntu wakupanda bulongo, Matalikilo 2, taakwe muntu wakupanda bulongo. “Elyo mpawo Leza wakapanga muntu” (Matalikilo 2:7) “kuzwa ku suko Iya nyika.” Lino Wa katobela... Wa kapanga muntu kuzwa ku suko Iya nyika, a kubikka Muuya oyu uugambyakwiinda... .

<sup>47</sup> Lino, wa kali lede alya. Nda konzya kuba a zifoto zinji zya ncico. Nda konzya kubona Adamu kaimvwi... .Atu bweze nzila *eyi*, ku mubona kaimvwi mbuli musamu. Leza waka mubamba. Wa kali fwide mbuli mbwa kali kukonzya kuba; tunwe twakwe, mbuli miyanda, kajatilide mu bulongo. Elyo Leza wakati, “A kube,” na kuyoyelwa kuyoya kwa buumi muli nguwe, nkabela wa kasotoka, kaboola kuli lwakwe. Wa kali ii... .Kayoyelwa kuyoya kwa buumi muli nguwe, wa kaba buntu bupona. Lino, elyo wa katalika kuzumanana kweenda, kuyabuya.

<sup>48</sup> Elyo mpawo Leza waka gusya kuzwa ku lubazu lwakwe kabeela kakwe, kabambo, a kupanzya mwanakazi. Lino, nkokuli Nkwa kajana muuya, mwanakazi? Mwabona? Cindi Na... Matalikilo 1:26, Wa kati, “A tu pange muntu mu cinkozya Cesu Cini, mbuli bukozyanye Bwesu Bwini—Mwini Bwesu, Wa kabalenga (muntu) mweenze a muzyazi.” Wa kapanga muuya muyumu wa muntu; Wa kapanga muuya wa mwankazi, mubombe, muniini, ulabutyole.

<sup>49</sup> Elyo cindi wabona mwanakazi kalilemeka mbuli mwaalumi, uli zwide mu busena bwakwe, nywebo mwabona, ku matalikilo. Mwabona? Yaa. We elede... .Ndi yeeya kuti mause kuteeti banakazi baka swekelwa busena bwabo, buuba bwa bwanakazi. Ndi sampu. Nda mwaambila, mbo cibede. Cili... .Nywebo mulizi, Ndiyo amba ceeci. Lino, Nse kanani kujatikizya ndinywe banakazi awa. Pele, mubwini, ikuti na cila nyonganya, cila cita buyo. Pele, amulange, andi mubuzye cintucimwi. Cakali kuba kuti banakazi bakali kuboneka cabwanakazi loko mane baalumi bakali kubainkila kuyo ambaula ambabo elyo bakali kuliseendasenda. Huh! Ino kulisendasenda niinzi, akwalo?



Nsena kubona kwa ciindi cilamfu cakuti inga Nse ziba mbo cakabede ikuti na mwanakazi ta kalisendasenda. Taba cijisi oko kulilemeka pe, konse kuli nkwa muuya mubotu uboneka bwanakazi. Bali buyo . . . Bala konzya . . . Bayo sama zisani mbuli baalumi, kugela masusu abo mbuli mwaalumi, kufweba mbuli baalumi, kunywa mbuli mwaalumi, kusampaula mbuli baalumi, kuvoota mbuli baalumi, kubeleka mbuli baalumi, aboobo, kuba mukali, muyumu utomede. Oh, ma! Eco citondezya oko mwa kasika. Obo mbombubo.

50 Oko nkuboneka mbuli mulindu muniini, tamu cimuboni limbi, walo muntu ukataazyza kujana. Sa mbo mbubo? Iiyi, obo mbwini. Aboobo mwanakazi taelede kwiima akulilemeka mbuli mwaalumi, mupati uzuunyene, nkaambo mubotu muniini muyumu utomede. Leza waka mubamba boobo. Nda konzya kutondezya ceeco kwiinda ku Magwalo. Iiyi, munene. Mbo mbubo. Elyo . . .

51 Pele, mubwini, tula zwa ku mubuzyo oyu, pele Nse yandi kuzwa loko ku mubuzyo oyu. Pele, mwabona, mpaawo Mpa kabamba muntu Wakwe mutaanzi, wakali mu cinkozya Cakwe Mwini.

52 Elyo mpawo, Leza, kakutanaba akwalo nyenyeezi, wakalizi kuti eyi inyika iyooba. Elyo Wa kalizi kuti Ndi yooba William Branham kakambauka Makanimabotu kuzwa ku cikambaukilo alimwi inga waba *John Doe* kakkede awo kaswiilila kuli Ndilyo, inyika kiitana talika. Aleluya!

53 Lino, awo mpe mpawo bantu ziindizimwi, muli i—i basitulaolao abana Calvin, mpoba kanyonganisigwa onse. Mwabona? Ba lati, “Nkaambonzi bamwi bakasalilwa kusweeka?” Leza tayandi kuti umwi akalobe. Ta yandi umwi kuloba, pele nekubaboobo, mukuba Leza, Uli zyi kuti kuli bamwi bataka Li tambuli. Mwabona? Mwabona, Uli jisi . . . Wa kacita kuziba mamanino kuzwa ku matalikilo kutegwa abe Leza. Sa Ta kacita?

54 Aboobo Wa kalizi kuti Uyo oba a banakazi bamwi, aboobo Wa kabamba buyo muuya wabo mpoonya awo. I Bbaibbele lyakati Wa kacita, mu 1, Matalikilo 1:26, “Wa kamulenga, muntu,” mu kutondezya ciciza, “mweenze a muzyazi.” Ameni. Mwabona? Mu kutondezya ciciza, Wa kapanga mwanakazi a mwaalumi kabatana kusola kubumbwa kuzwa ku suko lya nyika.

55 Elyo mpawo Leza wakapanga muntu, kutali mu cinkozya Cakwe Mwini. Oyu mubili tauli mu cinkozya ca Leza, oyu mubili uli mu cinkozya ca banyama.

56 Sa inga Nda samununa bbaki lyangu? Kuya bupya awa. Ndi samide shaati lizapukide, pele inga tii mwaziba obo. Mukaintu wa ndaambila kuti Jese taka boola kuzo sanzya zisani, aboobo . . . Pele, amulange, tuli aa ciyo awa lino eco caamba

kunji kwinda shaati lizapukide mu cikambaukilo. Embo na? Ca amba Buumi Butamani.

<sup>57</sup> Lino, amubone mwaalumi. Leza wakalizi ku matalikilo kuti Uyo oba a baalumi a banakazi, alimwi Wa kalizi kuti Mufutuli uyooba kuno alimwi Uyo elela kuleta Jesu, alimwi Uyo bambulwa. Elyo Jesu wakaambila basikwiiya, cindi Na kali waano aa nyika, kuti Wa “kalibazi akwalo kuzwa ku malengelo aa inyika,” inyika kiitana sola kuba.

<sup>58</sup> Elyo Leza wakati, awalo, na Paulo kakanana, mu Bagalatiya, kati “Wa ka tusala a ku twiita muli Nguwe inyika kiitana kusola kulengwa.” Amu ciyeeye eco! Kuti Leza . . . Kufumbwa muntu uyanda kumvwa eco Lugwalo nco lwaamba kujatikizya ceeco, amutambike maanza anu. Cila unka ncobeni antoomwe a mubuzyo. Amu njile andime muba Galatiya, cipati 1. Amulangisye awa. Nse ambi muba Galatiya, Nda amba ba Efeso. Amuswiilile kabotu eno eco Leza nca kaamba, ba Efeso 1:

*Paulo, muapostolo wa Jesu Kristo kwiinda ku luyando lwa Leza, ku basalali abo bali ku Efeso, aku basyomeka muli Jesu Kristo.*

*Luzyalo lube kuli ndinywe, a luumuno, kuzwa kuli Leza Taata, a kuzwa i ku Mwami Jesu Kristo.*

*Alekwe i Leza a Taata wa Mwami wesu Jesu Kristo, oyo waka tulongezya a zilongezyo zyoonse zyakumuuya mu masena aakujulu muli Kristo Jesu:*

<sup>59</sup> Lino, nceeci we, amubone:

*Kweendelana mbuli mbwa ka tusala muli nguwe kuzwa ku malengelo aa inyika, . . . (fyuu!)*

<sup>60</sup> Eco ncibotu loko. Embo na? Eco tacili cibotu loko, eco ncibotu loko! Kakutanaba ntalisyo ya inyika, Leza wakalizi Orman Neville a kuziba kuti uyo kambauka Makanimabotu. Sa eco tacili cibotuloko? “Ka sala . . .” Baa, ngu cizo ca Mbungano, alimwi Leza wakalizi kuti Uyo oba a Mbungano eyo. Elyo wa kati, Paulo kakanana ku mbungano yaku Efeso, kati, “Wa ka tusala muli Nguwe.” Lino, toonse tuli zizo zya Mubili wa Kristo. Sa mbo mbubo? Elyo Leza, inyika kiitana kusola kubumbwa, kasala ndinywe a Ndime muli Nguwe inyika kiitana kusola kulengwa. Fyuu! Ma! Sa eco tacili cibotuloko?

<sup>61</sup> Lino, muntu mutaanzi, lino, Wa kapanga muntu mutaanzi mu cinkozya *Cakwe*, elyo tu jokela ku cinkozya eco, mbo mbubo, ku cinkozya cesu citaanzi cakalengwa.

<sup>62</sup> Cindi Leza naka ndilenga, William Branham, Nda kaliko kuzwa ku malengelo aa inyika, Wa kapanga buntu bwangu, muuya wangu. Nse kazyi cintu cili coonse kuciimo Mbwe zyi, pele i . . . Nda kaliko. Oh, Nse—Nse syomi kuti mula cimvwa. Pele lino, aniini buyo, Jesu wakaambila basikwiiya kuti Wa “kali bazi kuzwa ku malengelo aa inyika,” elyo Paulo wakati awa kuti

“Wa ka tusala muli Nguwe inyika kiitana talika.” Lino, kwakali cibeela cimwi cangu, Orman Neville, a bamwi banu boonse awa, omo muuli Kristo Jesu inyika kiitana talika. Elyo mpaawa kuli kulangalanga kwangu kwa ceeco. Ndi yeeya kuti bantu sunu abo banjidwe a Muuya oyu, na muuya, cibeela ca zilenge ezi zyangelo, myuuya eyo yaka zunguluka kuli Leza, eyo yata kawa ku matalikilo a kukazya bubeji bwa dyabulosi ku Julu.

63 Elyo tuu theedi ya nyika ili mu cibi, akwinda eyo, kwalo tuu theedi ya baangelo bakatandwa. Elyo eyo myuuya ya madaimona yakanjila mu bantu akukkala mu mibili yabo. Mwabona Nce pandulula? Madaimona ayo ciindi cimwi . . . aka liko kale alimwi aka boola mu bantu a kubapa bulenge. Jesu wakatanda li ciloba kuzwa kuli Maria Magadalena. Kulisumpula, kulikankaizya (bantu bapati, nywebo mwabona), kutasalala, busofwi, nciki, nkopelano, nzwango. Zyonse zintu ezi, mwabona.

64 Yalo yakali myuuya yaka pangwa kaindi okuya cindi Leza nakatalika kubamba muntu kuzwa awo mu cinkozya Cakwe Mwini. Kalenga zilenge ezyo zigambyakwiinda, eyo myuuya.

65 Elyo mpawo Wa kabikka muntu mu suko lya nyika, oyo wakali muntu mutaanzi, Adamu. Elyo oyo muntu wakabambwa mbuli cinkozya, oyu muntunsi awa, wakabambwa mbuli cinkozya ca munyama. Eyi mibili yabantu ipangidwe mu cinkozya ca banyama.

66 Tu jisi janza mbuli buyo sokwe, alimwi—alimwi lijisi tende mbuli masekese. Amu bweze kana kaniini ka masekese, ku kasamununa, ku kagusya cikutu a kusandamuna musimbi muvwanda muniini akulanga lwandaano. Huh! Mukwesu, ba masimpe kuti walanga kabotu. Dayaframamu yonse, bupange, butandila kukozyanya, nzila mbo ibambidwe a ciimo ca ncico, a zintu zyoonse mbubonya buyo. Cili mu cinkozya ca buumi bwa munyama nkaambo oyo kabambwa cintucimwi mu bweende bwa munyama, nkaambo oyo wakali mulimo wakwe waku sololela munyama.

67 Elyo mula gusya Muuya Uusalala kuzwa ku muntu, ulaansi kwiinda munyama, ulaindila kubija kwiinda munyama. Eco ncintu ciyumu kwaamba. Pele bweza muntu oyo wataka zyalululwa mu mizeezo yakwe, uutajisi Muuya Uusalala a kulailila miyeeyo yakwe, a—a zintu mbuli ezyo, inga wa gusya muvwanda kuzwa mu maboko abanyina akumoono nkambo ka cisusi canyama. Obo mbombubo.

68 Elyo mwanakazi uutali kabotu. Ula bweza ngulube nyina yakaindi na mubwa wakaindi, twa kaipa misyobo yoonse ya mazina . . .Pele kulilemeka kwakwe nkwa bana bakwe, a ngulube ku bana bayo, pele mwanakazi silunyemo utakwe bunyone abubotu uli buyo . . .busofwi buyo ciindi coonse. Mbo mbubo. Aboobo koyeeya, kuti uli . . .kakutakwe Kristo,

kulilemeka kwako kuli...inga waubauka kuba ansi kwinda mubwa. Mbo mbubo.

<sup>69</sup> I mubwa taelede kusama zisani zya kulivumba, taakwe munyama umbi. Wa kali muntu wakawa, kutali buumi bwa munyama. Pele, buumi bwa munyama mukuba kungsi lya muntu (buumi bwa muntunsi), wakali kweendelezi kuli mbubo nkaambo muntu wakali mweenzyi wakwe a musololi wakwe mupati. Elyo banyama boonse ba musokwe bala muyoowa muntu.

<sup>70</sup> Muntuumwi wali kundibuzya, ciindicimwi, kujatikizya kuvwima, “Sa ula yoowa?” Baa, munyama aumwi wakasola kulengwa ula muyoowa muntu, nkaambo oko kweelede kuba kuzwa ku matalikilo kaindi eelyo. Mwabona? Masimpe mbwabede. Ula zuza nkabela uyo kutobezya, mbo mbubo, pele, mubwa na kufumbwa cintu nco yanda. Yaa.

<sup>71</sup> Pele lino, amubone lino, oyo muntu cindi naka selemukila awa. . . Lino amulange, awa. . . Yebo wati, “Lino, ino kujatikizya ncico lino, Mukwesu Branham?”

<sup>72</sup> Lino, mpaawa wa jana Leza muli mbubonya buyo, akati ka Babumwi aba Triniti uyo jana cintu mbubonya buyo lino. Lino amulange! Cindi Leza nakaloka, kavunguluka Mwini, kavunguluka Mwini mane Wa kaseluka aansi ku muntu oyu. Lino, muntu takabisya mu muuya wakwe, pele mu mubili wakwe, cisusi, kusukamina. Mpawo cindi na kabisya, wa kalyandaanya mwini kuzwa ku Mulengi wakwe. Elyo mpawo Leza, Logosi, nguwenya Mulengi wakwe, wakaseluka ansi a kubambwa mu cinkozya ca muntu. Muntu wakapangwa mu cinkozya ca Leza, elyo mpawo wa kabambwa mu cinkozya ca munyama, nkabela wa kawa. Elyo Leza wakaseluka mu cinkozya ca muntu, mu Muntu Kristo Jesu, ku kupengela kucisa. Leza taka konzya kupengela kucisa mu Muuya. Mbobuti Mbwa kali kukonzya kupenga kucisa kwakunyama mu Muuya? Ta kakonzya kucicita. Aboobo Leza waka livungulula Mwini nkabela wakabambwa mu cinkozya ca muntu, ku kunununa muntu oyo waka sweeka. Mwabona?

<sup>73</sup> Elyo mpawo Leza wakapenga mu mubili. Timoteo Mutaanzi 3:16, “Kakutakwe kukazya,” eyo ni nkazyanyo, “mapati makani aasisidwe aa buleza. Nkambo Leza waka tondezegwa mu mubili wabantu, wakabonwa aa baangelo, ka kambaukwa, ku Cabuuya-. . . a kusyomwa, a kutambulwa janza lyalulyo lya Taata.” Sa mbo mbubo? Leza Mwini waka seluka a kupona mu mubili wabantu a kupengela kusunkwa. “Leza wakali muli Kristo, kayanzanya inyika kuli Lwakwe.” Mwabona olo luyandisyo mbo lubede? I Luyandisyo lwa Leza!

<sup>74</sup> Lino, lino, Ndi yeeya kuti inga cabweza ceeco, *mwaalumi* a *mwanakazi*. Lino, mwanakazi ngu. . . Andi lulamike eci ndyoonya lino, kutegwa mukonzye kucibona, mwabona.

Mwanakazi ula swiilila ku mulumi wakwe. Elyo Bbaibbele lya kaamba kuti “I mwaalumi weelede kweendeleza mukaintu wakwe.” Pele obo mbo bakacinca eco! I mwanakazi ngu endeleza mwaalumi, “Lino, kokkala ku ng’anda, John! To kainki!” Elyo eco cila cibamba, “Iyi, omuyandwa wangu.” Mwabona?

75 Pele andi kwaambile cintucimwi, munene. Uyo peda bwiinguzi ku mukaintu wako, pele mukaintu wako ta keeleli kupeda bwiinguzi kuli nduwe. Uli mutwe wa mwanakazi, alimwi Leza ngo mutwe wa mwaalumi. Nkikaako Wa kati, “Aleke mwaalumi agela masusu akwe nkaambo ka Kristo. Elyo lekela mwanakazi kuba a masusu aakwe, nkambo ikuti na ula gela masusu aakwe ula ubausya mulumi wakwe.” Mwabona? Nywebo mwabona eco Nce pandulula kwiinda kuli ceeco Lugwalo nco lwaamba?

76 Nda kajisi kupya komwe aali eco, kunselelo buzuba bumwi mu Shreveport. Ba kali kwaambaula kujatikizya banakazi, alimwi na banakazi beelede kuba amasusu malamfu. Elyo Nda kati, “I mwanakazi oyo uugela masusu aakwe, mulumi wakwe wakali jisi nguzu anguzu zya Bbaibbele zyaku muleka.” Mbo mbubo. Eco ncencico Bbaibbele nco lyaamba. Obo mbombubo ncobeni. Oh, ma! Banakazi ba Muuya Uusalala bakkede alya, nzila buyo mboba kayiisigwa, kwa mana. Mwabona? Buyo, eco cakasupuka cakulileka.

77 Wa kati, “Lino, ikuti na bayo agela, ikuti na kuli cintucimwi cilubide nco bakacita kugela masusu abo,” kati, “a bweze mbeli akwaapala onse,” akubbandamika masusu akwe nconzo, kusikila azwa ku mutwe wakwe. Mbo mbubo. Obo Lugwalo mbolwa kaamba. Li laamba, “Ikuti na ula gela masusu aakwe, ula ubausya mulumi wakwe. Elyo mwanakazi oyo uubaukide uli jisi nguzu zya kutandwa a kulekwa.” Pele, ta konzyi kukwata alubo, lino. Pele ula—pele ula konzya kumuleka mu cilekanano. Mbo mbubo. Olo Ndugwalo. Oh mukwesu, eco nco tu yandikana masiku amwi a mubuzyo! Mbo mbubo. Abo Mbakorinto Bataanzi, cipati 14, ikuti na muyanda ku Ci bala. Yaa. Lino, eco—eco . . . Lino, oyu mwanakazi . . .

78 Leza—Leza wakalenga muntu, mweenze a muzyazi. Sa mwabona eco Nca kacita? Wa kapanga muntu. Wa kabamba . . . Lino, oyo mubuzyo mutaanzi, mwabona, “Wa kabalenga Walo,” abumwi bumbi, Matalikilo 1:26. Matalikilo 2:7, “Wa kabapanga kuzwa ku suko lya nyika a kuyoya mu mpemo zyakwe.”

**Ino ndwandaano nzi, na—na mpaali oku kuswaangana mpokubede ku Lugwalo lwaatala? Ino nkuswaangana nzi muntu mutaanzi nkwa jisi a muntu wabili?**

79 I muntu mutaanzi muntu wabili wayubululwa mu magano osanwe. Mwabona? Ndyoonya lino to konzyi—to konzyi kuguma

Leza a maanza ako mbuli *boobo*, to konzyi kubona Leza kubelesya meso ako. Ta kacipa kuli nduwe kucita ceeco. Uli . . .

<sup>80</sup> Sena mwakasola kumvwa musalali wakaindi kafwa, cindi bati, “Ngooyo mutumbu, Nsena mubwene kwa myaka”? Sena mwakasola kumvwa eco cindi bantu . . .? Mwabona, mbo cibede, aya meso ala yabaala a meso agambyakwiinda alatalika. Mwabona? Elyo mpawo ziindizimwi ikuti na swebo, ikuti na Leza wapanga loko, tula bona zilengaano awo liso lya kunyama mpo iyabaala. Nkoonya kumbele lyesu, tu langide kugama nkoonya, alimwi kuli cilengaano kumbele lyesu kutondezya zintu zigambyakwiinda izya Leza. Mwabona eco Nce pandulula?

<sup>81</sup> Aboobo mpawo, amulange, “Cindi cilawo eci caansi ano . . .” Lino, bamwi banu banakazi a baalumi ano bali mukucembaala. Amulange, “Cindi eci caansi . . .” Ndi yeeya taata mudaala okuya, myaka ili makumi ali fuka ayobilo yakukomena. “Cindi eci cilao canamatulwa, kuli muntu wakumuuya, mubili wa kumuuya uutulindila oyo utakonzyi kuloba.” Njo kubona okuya. Njo enda okuya . . .

<sup>82</sup> Nse konzyi kuguma Mukwesu Neville mu—mu kutala okuya, nkaambo Johane waka babona nkabela bakali myuuya kungsi lya cipaililo, kulila, “Ciindi cilamfu buti, Mwami, ciindi cilamfu buti?” Yebo ulizi kaambo, twa kainda mu Ciyubunuzyo. Elyo nzila eyo mukati muya mbo bakayanda kujoka a kusamikwa a mibili iifwika. Ba kali kulila, “Ciindi cilamfu buti, Mwami?”

<sup>83</sup> Lino, ba kalizi umwi aumwi, pele tiiba kali kukonzya kwaambaula a kusukana maanza, na, Nda yeeyela bakali kukonzya kwaambaula, pele tiiba kali kukonzya kusukana maanza abumwi bumbi. Nceeci cinkozya caku citondezya. Cindi mulozi waku Endori nakaita muuya wa Samueli, elyo Saulo waka mulanga nkabela waka muziba kuba Samuele. Elyo Samuele wakaziba Saulo a kuti, “Nkaambonzi wa ndiita kuzwa ku kulyookezya kwangu, mukubona kuti wakaba sinkondo wa Leza nkabela Leza wakazwa kuli nduwe?” Sa mbo mbubo? Elyo mpawo kwakaimvwi Samueli mudaala kasamide cikobela ca businsimi bwakwe, elyo wa kamulanga. Wa kali mu nsuti.

<sup>84</sup> I mulozi waka mubona a kuwida aansi, kati, “Nda bona baleza kababuka kuzwa mu nyika.”

Wa kati, “Nkaambonzi nco ndi nyonganya?”

Elyo wa kati, “Ee, Ndi yanda kuziba nzila nkondo mboiya bweenda.”

<sup>85</sup> Kati, “Juunza uyoofwa mu nkondo,” elyo bana bakwe bayooba, “elyo kusika ciindi eci juunza masiku unooli a ndime.” Mwabona? Lino, wa kali kutweluka, alimwi wa kaboneka mbuli bwa kabede cindi na kali waano aa nyika, ku mulozi oyo wakaimvwi, kamulangide, a Saulo.

<sup>86</sup> Lino, amubone. Ziindi zinji . . . Mbuti kujatikizya Bataata na Baama cindi nibakali kufwa a kubona bayandwa

babo kabaimvwi okuya? Ba kabaziba. Pele cili mu mubili uugambyakwiinda.

<sup>87</sup> Pele lino nceeci cibeela cabulemu. Ku kubweeda kwa Jesu ku bubuke, takukabi mubili oyo. Oyo mubili mpawo, eco cilenge ciindakugambya eco Leza nca kalenga ku matalikilo, uyo bweeda ku nyika kuyo jana mubili umbi, kutali kuzyalwa kwiinda ku mwanakazi, pele kalengwa aa Leza (Aleluya!), kuta cemaala nanka kuba akusutana, kutaba a masusu aamvwi ku mutwe wako, pele kuya kulondoka, kwalyonse! Aleluya! Oh mukwesu, eco inga candibamba koongolola aa busiku bupya! Mbo mbubo! Oh, “cikobela eci cakunyama Njo cilosya, a kubuka a kusaala bulumbu butamani!” Ncinzi mu nyika nco tweelede kulibilika?

<sup>88</sup> Mboobo bukanze boonse bubambidwe mpoonya awo, obo Leza mbwa kandilenga ku matalikilo. Nda boola ansi awa aa nyika, kabweza busena bwangu mbuli mukambausi wa Makani mabotu, na yebo mbuli mwaalumi a mwanakazi ujisi lufutuko, tu ponena buumi ku luzyalo lwa Leza. Aleluya! Elyo oyo muuya nguonya uuzwa awa wakaliko kaindi eelyo ku matalikilo. Ndiyo jokela ku kutweluka kwa kuziba kuti Nda kali waano, (Aleluya!) elyo mpawo kulindila kuya kungsi lya cipaililo, kulongezegwa kwalyonse, mu kulyookezya. Elyo mpawo ku cindi cabweeda, Nda bweza mubili wangu mu mpela lyawo wawo ya bubotu maningi, lufu kalutana kusola kwuuma.

<sup>89</sup> Lufu lula muuma kutandila myaka iili makumi obile ayobile na makumi obile ayotatwe yakukomena, ula talika kukakilwa. Toli mwaalumi mbo kabede a mwanakazi mbo kabede, nokamana kusika kutandila makumi obilo ayosanwe, cintucimwi cakatalika kuba mukati. Kusutana kwakatalika kuba kungsi lya meso ako. To konzyi kusanzya mbuli mbo kali kucita. Theeti, inga wabona onse. Amulindile kusikila wasika kusika ku foote foo, mbuli ndime, elyo mpawo uno cibona ncobeni. Pele, Oh mukwesu! Lindila mane Ndi sike makumi ali lusele, makumi ali fuka, a kweenda a mufunko, koimvwi alya. Ino ncinzi? Leza wa kundi bikka mu muzundano wa kuzuza. Pele buzuba bumwi bwabulemu. . . Olo ndufu lusalika kuba.

<sup>90</sup> Nda kajisi makuko atonkomena ciindi cimwi, kajisi masusu asiya (amutwe wakazwide ngawo), elyo kakutakwe kusutana kwa lukanda kungsi lya meso angu; elyo kondi langa eno, kusutana lukanda, makuko kadiimana, ka neneya, akusutana kwa lukanda kungsi lya meso angu, mutwe walubala. Baa, amulange eco lufu nco luya bundicitila kutandila mu myaka yakainda ili makumi obilo. Lufu lucita ceeco. Amulindile mane Ndi kabe a makumi ali lusele, ikuti na Leza wandi lekela kupona, a kulanga obo Mbwe boneka, nkeimvwi mbuli boobu aa mufunko wakaindi, kazungaana mbuli obo kubusena bumwi. Pele, aleluya, buzuba bumwi bwabulemu, lufu luyo bweza kujaya kwa ndulo kuzwide. Mpawo cindi Nda buka mu bubuke

Njo oba obo Mbwe kabede, obo Leza mbwa kandi bamba ano aa nyika ku bubotu bwangu mbubonya, mu mubili kutali kubambwa kwiinda kuli Muka. Branham a Ba. Branham, pele kalengwa aa Leza Mwini; kwaanguluka ku sunko, kwaanguluka ku cibi, kwaanguluka ku cintu cili coonse cimbi, kutasola kuba a malwazi, kuciswa kwamoyo. Oh, ma!

<sup>91</sup> Mpawo Njo bweza maanza a mukaintu wangu muniini a kweenda kuselemuka kwinda mu Paradaiso ya Leza mbuli boobo, cabupya. Muyo cita cintu nciconya. Kutali mwanakazi wakaindi ula masusu amvwi kumutwe kasololela koonse sunumasiku, kaita mukaintu wako, pele uya kubota buyo mbuli mbwa kabede buzuba mboka mukwata ku cipaililo. Aleluya! Fyuu! Oko nkunji kwa kupanga mulombwana koongolola. Embo na? Mwabona?

<sup>92</sup> Ncibotu, oko nkuswaanganya. Leza uli kanzide. Cindi Leza abamba muzeezo Wakwe kucita cintu cili coonse, ci leelede kuba. Saatani wakabisya cifwanikiso eci kwiinda ku kuyanda kwankwela, kwiinda ku mwanakazi, ku kuzyala bana. Wa kacibisya. Aboobo kozumanana a kucibamba, eco cili kabotu. Eci cikalilo ciya kubweza ezi, nkaambo cintu cilikke ncocita mu buumi obu nku kubweza ciimo cako a cinkozya, obo mbobede. Ikuti na ula masusu asubila eno, uyooba wamasusu aasubila ku mutwe mpawo. Ikuti na uli masusu aasiya eno, uyooba wamasusu aasiya ku mutwe mpawo. Mwabona, obo mbo kabede ku bubotu bwako bwiinda. Elyo ikuti na wa... Saatani wakanyonganya cifwanikiso, toka jana nokuba... Eco Leza ncaka kukanzila kuba, uya kuba. Oh, mbocili cabulemu! Ngooyo muntu wanu.

<sup>93</sup> Lino Matalikilo 2. Kwaamba, Nde elede kubinda, Ndila ibweza. (Sa ujisi cintucimwi? Sa ulijisi? Sa ujisi cimwi? Sa ulijisi kiti yingulwe?) Yaa, Matalikilo 2:18-21:

**2. Leza wakapanga Eva kuzwa ku kabambo ka Adamu, Matalikilo 2:18-21. Sena Leza wakalenga muntu a banakazi, mpawo kupanga Adamu a Eva—Eva?**

**3. Alimwi sa Kaini wakainka ku bulenge buyo bwa mwaalumi a mwanakazi kuyo jana mukaintu wakwe?**

<sup>94</sup> Lino, atu lino... Ta ndi... I muntu ambweni mpali wakalemba oyu. Lino, cindi Leza... Mu mubuzyo mutaanzi awa:

**Sena Leza wakapanga baalumi a banakazi, ba Matalikilo 2:18-21?**

<sup>95</sup> Peepe. Ndi—Ndi... mbuli—mbuli mbo muyo bona awa, 2:18-21 lino, amubone:

*Elyo Mwami Leza wakati, Ta cili cibotu kuti... muntu kali alikke; Njo mubambila mugwasyi umweelede iwakwe.*



*Elyo kuzwa ku bulongo MWAMI . . . kabumba munyama  
oonse . . . a zimwi zimbi.*

<sup>96</sup> Lino, Leza wakapanga Eva kuzwa ku lubazu lwa Adamu. Mwanakazi ujisi kabambo komwe kaindilila sunu mu bupange bwa mubili a bupange bwa mubili kwinda mwaalumi mbwa jisi, nkaambo kabambo kaka gusigwa kuzwa ku mubili wa Adamu. Adamu waka pangidwe kale nkabela wakali kupona, nkabela waka jisi bukata, elyo mpawo Leza wakati, “Tacili cibotu kuti muntu apone alikke.”

<sup>97</sup> Aboobo aba bapaizi abamwi bambi banyangwa nguzu zya kukwata bamakaintu. Lino, kuti, mbungano yaba Roma inga yacita kufumbwa . . . Mbe mbabo, mbe mbabo beelede kupeda bwiinguzi kuli ceeco—ca ceeco, kutali ndime.

<sup>98</sup> Ee, Nda kabuzigwa a—a mwaalumi, calino, kati, “Ino uyeeya nzi?” I mupaizi, wakati, “Ino uyeeya nzi kujatikizya mupaizi oyo mukubusyi kuno mu dolopo oyo wakatola mwanakazi oyo, musimbi oyo, musimbi muna Jeffersonville okuno, a kuunka a kuyo mukwata?” Mu mbungano ya Irish, mula yeeya. Nda luba zina lyakwe mbo lyakabede.

<sup>99</sup> Nda kati, “Wa kali jisi nguzu zinji zya ku kwata mbuli Mbwe citide. Nce ncico ncobeni Nce yeeya kujatikizya ncico.” Nda kati, “I cintu buyo Nce kajata . . . Ndi yeeya kuti wa kalubila, wa keelede kuunka ku mbungano a kuleka mulimo wakwe elyo mpawo wakainka kuyo kwata musimbi, mubusena bwa kweendauka anguwe mbuli boobo.”

<sup>100</sup> Lino, mula yeeya cindi nicaka citika mvwiki zisyoonto zyaında omuno mu Jeff., i mupaizi muna Irish Katolika kumselelo okuno. Walo mulombwana muniini, alimwi wa kali kuunka . . . ujisi muyandwa umwi musimbi kumselelo okuno. Elyo cindi na . . . Ba kamupa mulumbo mupati wa luyando, uyo cinca masena akubelekela a nguwe, kumutumina kutala ku Indianapolis kubusena bumwi. Elyo wa kabweza buyo mulumbo wa luyando, musimbi a boonse, a kuunka a kuyo kwatana, elyo tiiba kamvwa kuzwa kuli nguwe limbi. Ee, wa kajisi nguzu zya kukwata, pele ta kajisi nguzu zya kucita ceeco. Ta keelede kucita ceeco. Wa keelede kuunka ku i—i mbungano a kuti, “Mpaawa, Nda leka ncito eyi mbuli mupaizi. Ndiyo kwatana, nkabela eco cacibamba.”

<sup>101</sup> Pele, lino, Leza kabamba Eva, alimwi—alimwi Adamu a Eva ku ciindi nciconya, cintu biyo Nca kapanga cakali cigambyociinda, muuya Adamu a muuya Eva, mwaalumi a mwanakazi. Mpawo, cindi Na kapanga . . . kabikka Adamu omu, tii cakali cibotu ku . . . Mwabona, ncifwanikiso ca Leza kuvungulula ciindi coonse. Zintuzyonse mbuli ezi, calo—calo ciboola buyo ansi, kulivungulula buyo kabotu, kuyutuka kwiinda mu Mileniamu okuya kulaale a kuzumanana moonya

mu Butamani. Buyo cifwanikiso ca Leza kuvungulula buyo, Leza kalivungulula Mwini.

102 Awa, Leza wakaliyubulula Mwini muli Kristo Jesu, ku kutondezya obo Mbwa kabede. Ino Jesu wakali nzi? Ii Muntu wa buusu, kazwide kufwaba, kuyanda. Kuli sibwaamu, “Bali kuli basikutamikizya bako?”

“Nse jisi naba omwe, Mwami.”

“Ambebo Nse kutamikizya. Koya, uta kabisiyi limbi.”

103 Kakatede a kudekela kuzwa kweenda kutandila mamaile ali makumi otatwe buzuba obo, kwiinda mu miseenga a zintu zya mu lukula; kwakali mwanakazi wa Naini wakali kuzwa; alimwi mwana wakwe mulombe luzutu, kafwide, kalede awo. Wa kaimika nzila ya dilwe, kabikka maanza Akwe ali nguwe, kati, “Buka.” Elyo mulombe oyo waka fwide wakabuka alubo. Oyo—oyo ngo Mwami wesu Jesu. (Nda kulumba, Teddy, mwana.) Elyo okuya, oyo wakali Mwami Jesu wesu. Taakwe nakakatala maningi, taakwe nakakatede loko kucita cintu cibotu. Ncibotu.

Lino nceeci cintu cimbi:

**Sena Kaini wakainka ku i—ku bulenge butaanzi bwa mwaalumi a mwanakazi kuyo jana mukaintu wakwe?**

104 Lino, kuli mubuzyo mubyaabi unyonganya buyo mukulanganya, lino amuswiilile kabotu loko. Lino, oh, Ndi jisi. . .mwa kabona bantu kaba bikka mu pepa, “Nkokuli Kaini nkwa kajana mukaintu wakwe?” Oh, Nda kali kunga nda caamba.

105 Elyo Nse kayiisya kuti kwakali gehena iiyaka kutandila myaka yone kuzwa ku kusanduka kwangu. Nda keelede ku cibona mu Lugwalo. Ikuti na Nse zyi, Nse kaambi cintu kujatikizya ncico. Mwabona?

106 Pele, lino, “Nkokuli Kaini nkwa kajana mukaintu wakwe?” Lino, oko i—i kulangalanga kupati kwa mubuzyo oyu lino. “Elyo Kaini wakainka ku mukaintu wakwe ku bulenge bwa mwaalumi a mwanakazi, ku mukaintu wakwe?” Mwabona? Lino, lino, bumwi bwa citaanzi. . .

107 Oyu Muka. DeArk, nyoonse mwakamvwa kujatikizya kuponesega kwakwe busiku bumwi, obo Leza mbwa kamulongezya a zintuzyonse. Waa kali lede, kafwa, ba kaboola kutandila tuu okuloko cifumo.

108 Elyo aboobo, lino, eyo nje nzila Mbwe boola. . .Mulombe wakwe, George, mulombe wakali sibusangu, Ed, awalo. Ba kali mu cintoolo, elyo Nda kamvwa mubandi kusule okuya, oko kutaanzi. . .oko Kaini nkwa kajana mukaintu wakwe. Ee, umwi waka jisi ciindi cakukanana waka boneka kuba a kukazya kubotu, wa kati, “Nda kwaambila oko Kaini nkwa kajana mukaintu wakwe,” kati, “Kaini wakainka okuya a kuyo kwata mukaintu oyo mupati loko pombo.” Elyo kati, “Kuzwa kuli oyo

pombo kwaka yutuka mukowa wabantu basiya.” Kati, “Mula bona mutwe wa muntu uusiya ubaanga mulundu mbuli *boobo*, mbuli—mbuli pombo, ku mutwe.”

<sup>109</sup> Ee, Nda kaima awo, Nda kali buyo kutandila myeezi yobile yakukomena mu Makani mabotu. Nda kati, “Nse yandi kwiimpana a ndinywe no baalumi, nkaambo Nseli sicikolo, Nda kafutulwa buyo. Pele,” Nda kati “ikuti na eco cili boobo, mpawo mukowa wa bantu basiya niwakamana kuba cindi lunyonyooko lwa zambangulwe lyakale, cindi inyika niya kanyonyoonwa a maanzi, nkambo Nowa a mukwasyi wakwe bakali balikke abo bakali mu bwaato. Abo mbe mbabo luzutu bakali mu bwaato. I mukowa wabasiya niwa kaogola kuba,” Nda kati, “ikuti na eco cakali boobo.” Nda kati, “Peepe, munene! I mukowa wabasiya tii wakazwa awo. Peepe, munene. I mukowa wa bantu basiya wakazwa ku musamu nguonya oyo ngo twa kazwa, a muntunsi oonse, umwi nguonya.” Kwiina lwaandaano. Mbubonya. Toonse tuli buyo. . . Yomwe inga yaba yello, alimwi imwi imbi ilasalaluka, imwi imbi ilasiya, a imwi imbi iituba, a umwi umbi utubuluka, a umwi umbi usubila, elyo mbubonya buyo obo, pele boonse bakazwida ku samu eelyo lyomwe. Eco ncibeela buyo cakunyama abusena awa. Mbo mbubo. Uli muntunsi mbubonya buyo, wakalengwa awa kwiinda kuli Leza.

<sup>110</sup> Elyo lino, amubone, okuno kutali ciindi cilamfu cakainda, nkeimvwi awa a bamadokotela bamwi mu Louisville, Nda kali kwaambaula kujatikizya mu Africa obo bantu bacete bamusyobo uulya nyama ya bantunsi, kapati, obo mbo baka jisi mwanakazi okuya, waka bweza muvwanda muniini, wakajana muvwanda muniini, elyo—elyo waa kamuuma mbuli boobo aku mwaanga ku citeo aku mulekela kubola kwa mazuba masyoonto, nywebo mulizi, mane wa bija kabatana kuulya, nywebo mulizi. Kufumbwa cintu mbuli ceeco, bala cilekela kubola aniini, ila teteeta.

<sup>111</sup> Muta yeeyi kuti cilaindila kujatikizya balya nyama ya bantunsi. Mu England bala cita cintu nciconya, bala jaya bayuni bapati a ku baanzika mu samu, aboobo mapepe mbwa zwida buyo kuli mbabo mpawo bala balya. Oyo ngo mukowa wa bantu ba Anglo-Saxoni, mu England. Mbo mbubo. Elyo muta yeeyi. . . Ta mweelede kuya ku England, kuunka buyo kunselelo awa mu masi aku musanza, muyo jana cintu nciconya. Ncamasimpe. Kufumbwa muntu inga wailya na—na mbooma, konzya kulya cili conse cimbi. Aboobo. . . Inzya.

<sup>112</sup> Lino amubone, andi—andi mwaambile. Pele, nceeci cakacitika. I basiya. . . i—i mukowa wabasiya tau jisi cintu cakucita a ceeci. Kaini. . .

<sup>113</sup> Lino, Ndi yanda kuti mulange. Ba kati “Wa kaunka ku nyika yaku Nodi.” Lino, Kaini wakali mu Edeni. Elyo Edeni, muunda wa Edeni, wakali kujwe lya Edeni. Sa mbo mbubo? I muunda wa Edeni wakali kujwe mu Edeni, lubazu lwa kujwe lwa Edeni.

Elyo ba Kerabimu baka bikkwa, a Musamu wa Buumi wakali ku mulyango kujwe wa muunda, elyo mpaawo Mpe yeeya Kaini a Abela mpo bakatuula cituuzyo cabo. Elyo mpaawo Kerabimu a panga libekema niba takabalekela kunjila limbi, kujwe lya mulyango!

114 Sena mwakabona, Jesu uya kuyutukila kujwe. I mumuni uyoza kujwe. Zintuzyonse kaziboola. . . Lusumpuko lwaka talikila kujwe a kweenda kumbo, kusikila lula zunguluka akulijana lwini alubo. Tuli ku Western Hemisphere. Oko Nkuujwe, lusumpuko lwa kaindi maningi ndwa Kujwe. Lusumpuko lwakaindi maining luna China lwakazibwa, kwiinda kuli basimakani aakale, mu nyika sunu. Kujwe!

115 Oh, obo mbo tukonzya kukkala aa mibuzyo eyi kwa maora, ali omwe, pele inga ticaba buyo zimwi. Pele amubone, nceeci. . . Mbangaye bayanda kuziba eco nco tusyoma kuli Kaini, oko alimwi oyo mukaintu wa Kaini mbwakabede? Atu bone. Yaa. Ndiyo mwaambila eco Kaini nca kacita, alimwi mbwiinguzi buyo bwa kuyeya kabotu mbo mukonzya kumvwisya: Kaini wakakwata mucizi wakwe mwini. Wa keelede kacita, nkambo kwakali mwanakazi omwe luzutu aa nyika kaindi; i Bbaibbele lya biyo bulunguluzi bwa botatwe kuzyalwa, Hamu, Semu. . . na pe. . . Mundi jatile, wakali Kaini, Abela, a Seti. Pele ikuti na tii kwakali kumwi. . . I Bbaibbele talilembi kanji kuzyalwa kwa bana basimbi. Nywebo mulizi obo.

116 Lino, Ndili masimpe kubwezelela banakazi sunumasiku. Pele, amulange, inyika ikomba banakazi, pele banakazi bakali cibelesyo ca dyabulosi ku matalikilo. Elyo umwi uataluleme sunu ncibelesyo cibotu kwiinda nca jisi. Uyo tuma bakambausi banji ku gehena kwiinda basikusambala makoko kunzacuulu boonse bali mu nyika. Lekela mukubusyi musimbi wa mizeezo ya busyaasunu mu kkona kajisi musanga watombwe kumbali lya mulomo wakwe, a masusu akwe onse kapentedwe mbuli obo, a zikoye zilamfu zipati zibilauka konse, mukwesu, muniini. . . ubaanga mubili wa musele abupangidwe kuboneka kabotu ali nguwe, langilila eco ncaya kucita.

117 Mukambausi, ncibotu wali vumbya lwako a Bulowa bwa Jesu Kristo. Mbo mbubo. Lino, muta ndaambili, muli bantu! Nda kabona kunji loko kwa ncico. Lino, amulangilile awa. I cintu cibotu loko cakucita nkubikka mizeezo yako kusimpwa kuli Jesu Kristo a kulekela miyeeyo yako kuti kii njoloma.

118 Mbuli Paulo mbwa kaamba omuya, kati, “Nku. . . Tu lizi kuti tu jisi nguzu zya kusololela mucizi. Ndi jisi nguzu zya kucicita, pele” kati “Nse kaciciti.” Mwabona, ta kacicita. Wa kati, “Ndi liziyi kuti mulimo weeleda kuponena kuli yabo—yabo. . . Uta mwaangi ku mulomo mesune uulyataula maila.”

119 Nywebo mulizi, tula yeeya ziindi zimwi, nkaambo tuli mukambausi. . . (Kutali yebo a Ndime, Ta ndaambi, mukwesu.)

Pele bakambausi bayeeya kuti balo mbakambausi kuti—kuti balo mbantu bamwi bapati kwinda umwi wa mamembala amu mbungano. Toli mupati maningi alimwi toi ndililo oyo kumeso a Leza kwinda oyo mukolwi wasanduka oora lyainda.

<sup>120</sup> Eco nce cintu comwe lubambululo kwiina nolwa kasalazigwa, zyakali zintu ezi. Ndi lizi Nda saina zina lyangu “Mufundisi.” Obo mbombubo, eco ii—ii ncintu buyo sunu, pele ta ceelede kucitwa. “Mufundisi” a “Bishopo” a “Mwiiyi” a zintu zyoonse ezyo mabande aakapangwa aa bantu, alimwi mbu fubafuba! Mu Bbaibbele bakali “Petro,” “Jakobo,” “Paulo,” “Johane,” a boonse bamwi babo.

<sup>121</sup> Paulo wakati, “Lino, awa, Ndi lizi Ndi kambauka Makanimabotu, obo—obo—obo mbulizi bwangu.” Ndili mukambausi, walo mukambausi, Mukwesu Neville awalo mukambausi, pele walo...Oyo ngo mulimo wesu, nkuba mukambausi. Ee, eco ncencico nco tweeleda kucita. “Pele andi cite cintucimwi,” Paulo wakati, “eco cilaindilila kuli ceeco.” “Lino, Ndi jisi nguzu zya kutola mali,” Paulo wakati, “pele Ndiyo panga matente ku mutondezya buyo kuti Nda konzya—Nda konzya kutuula.” Wa kati, “Ndwa lulemeko, lukwatano ndwa lulemeko akati ka boonse, bulo tabusofweede. Ncibotu ku mwaalumi kukwatwa.” Wa kati, “Ndi jisi nguzu zya kukwatana. Lino, Inga—Inga nda kwatana, Ndi jisi nguzu zya mulao zya kukwata. Pele Nse kakwati ncobeni, Ndi yanda kucita cituuzyo cimbi ku Mwami.” Mwabona? Mpawo wa kati, “Muntu aumwi ulizi lwiito lwakwe. Amu muleke acite mbuli... Bamwi mbazibe nkambo ka Ijwi lya Leza, abumwi bumbi.”

<sup>122</sup> Tu yanda kucita cintucimwi kwiindilila bulizi bwesu. Elyo ikuti na wakazyalululwa nconzyo ku Muuya wa Leza a kuti, “Ee, mbulizi bwangu bwa kuunka ku cikombelo, Ndi yeeyela kuti Nde elede kuunka.” Oh, ma! Ee, Ndi yanda kucita kunji kwiinda boobo, Ndi yanda kuli janina bantu bamwi ba Kristo. Ndi yanda kucita cintucimwi! Ndi yanda kuswaya balwazi na kucita cintucimwi Cakwe. Mbulizi bwangu bwa kukambauka ku madilwe, mbulizi bwangu bwa kukambauka Makanimabotu, mbulizi bwangu bwa kukombela baciswa. Andi cite cintucimwi cimbi, andi zwe a kucita cintucimwi awo Leza mpayo ndilemeko kuli ncico.

<sup>123</sup> Lino, kujokela kuli Kaini. [Kabeela katakwecintu aa teepu—Mul.] Nkambo Eva wakali muzyazi alikke biyo oyo wakalengwa aa Leza, elyo ikuti na taka jisi bana basimbi bali boonse, cindi oyo muzyazi wamamanino (muzyazi alikke) nakafwa, mukowa wabantu niwa kamana kuba. Sa mbo mbubo? Ni kwaataba bazyazi bambi. Aboobo wakelede kuba a bana basimbi. Elyo Kaini wakakwata mucizi wakwe mwini, nkambo wa keelede kucita, kwiina busena bumbi bwa banakazi bwa kuzwa.

<sup>124</sup> Elyo cakali camulao a cizumizigwa mu mazuba ayo, akwalo kuli Abrahamu, alimwi akwalo kuselemukila kuli Izaka. Izaka wakakwata mweeninyina ku bulowa. Elyo Abrahamu wakakwata mucizi wakwe mwini, mucizi wa bulowa. Zya bawisi... Mbamatumbu bandeene pele wisi omwe. Alimwi nseke izwa ku nkwele ya mwaalumi. Sarah, oyo wakaleta Izaka mubotu. Sa mbo mbubo? Kwakanyina muntu aa nyika kaindi.

<sup>125</sup> Oko koonse kwakali mu cikozyanyo, kutondezya kuti i... Nceeci we, mukwesu! Izaka... Rabeka ncikozyanyo ca Mbungano, alimwi Izaka ncikozyanyo ca Nabwiinga, Kristo. Sa mbo mbubo? Alimwi beelede kaba baswaangene ku Bulowa! Aleluya! Amen! Kuba baswaangene ku Bulowa!

<sup>126</sup> Aboobo Kaini wakakwata mucizi wakwe, elyo eco... Mpawo ba kaunka okuya mu cisi ca Nodi. Lino, tula njila mu ciiyo cisakene ikuti na twa kainka ambele aniini, alimwi Ndili kkomene kuti kwiina ni wabuzya limbi kwiindilila waawo, (mbuli, “Bali kuli babbabbani abo bakali mu nyika buzuba obo?” Josephus a bamwi bandeene bajisi kukazya kunji ali ncico). Amen! Ikuti na Nse lulamiki eco, mukwesu, kaulete mukati alubo Munsondo cifumo. Yaa.

**4. Sa inga wapandulula Munsondo kuti mbuzuba butaanzi bwa mvwiki alimwi Mujibelo mbuzuba bwaciloba? Banakristo balaunka ku cikombelo Munsondo, buzuba butaanzi bwa mvwiki. Sa tabeelede kuunka mu Mujibelo, buzuba bwaciloba bwa mvwiki?**

<sup>127</sup> Ee, lino, mweenzuma oyandwa, kufumbwa oyo wabuzya ceeco, oyo mubuzyo mubotu loko. Walo mubuzyo wakaindi oyo wakali kukazya akati ka zyuulu zya basicikolo sunu, pele Nda konzya, kondi lekela buyo kupa bupanduluzi bwangu, nywebo mwabona, nku koonse Nkwe konzya kucita. Elyo ikuti na Nse luzi, ee, amu—amu ndikkazikile, nkabela Leza andi jatile, nywebo mwabona, ikuti—ikuti na Nda cibamba kulubila.

<sup>128</sup> Lino, kuciimo mbuli mulao... Lino, antela muntu wa buzuba bwa Seventh-day Adventisti uukkede awa. Oko kwakali kwiiya kwangu kutaanzi, kwakali kwa Seventh day Adventi. Mbo mbubo. Wakali kuna Seventh-day Adventisti, eco Nce kaiya lutaanzi. Elyo cindi niba kasika a kundaambila kuti “mu Mujibelo bwakali buzuba bwaciloba,” mukwesu, eco cakali kweendelana ku kkalenda yaba Juda. Elyo kkalenda yaba Roma tiiya kaibamba, alimwi Mujibelo wakali kweelede kuba Munsondo ncobeni. Ee, baka ndisambalide cintu cimwi eco nce Nda kayeeya kuti cakali luleme. Elyo kufumbwa kuti Nda kali kubala mapepa abo aabulembo Nda kali luleme mukati nkambo ka ncico, kumaninina, pele buzuba bumwi Nda kajata Bbaibbele elyo Nda kabona kuti eco cakali andeene mpawo. Mwabona?

<sup>129</sup> Lino, Mujibelo mbuzuba bwa sabata kweendelana ku bweende bwa mvwiki. Lino, ta tuzi. Bwaka cinca, alimwi

tu jisi kucinca kunji loko cakuti inga tii mwaziba mbo bwa kabede nconzyo. Mwabona? Nkaambo tu... Lino, ba Juda bataminina kuti tu tandila buyo... ndyoonya lino kutandila 1970 cintucimwi, kweendelana ku bupange bwabo, kkalenda yabo. I kkalenda yaba Roma ila citola ku 1953. Elyo ba kajisi kkalenda imbi itola kubusena bumwi bumbi. Pele eco nce cicibamba cizibyoy ca Bunakristo, coonse cilede kujokela ku kuzyalwa kwa Kristo. Nywebo mwabona, awo mpo tu cibweza.

<sup>130</sup> Lino, pele lino mbuli buzuba bwaciloba, lino, kuli bantu banji ba Pentekoste ba sabata—sabata banasabata, ibamba sabata mu Mujibelo. Lino, ba laamba, “Taakwe Ijwi mu Bbaibbele lya ndinywe ku bamba Mujib-... Munsondo mbuli buzuba.” Lino, Njo amba cintu ncionya kujatikizya sabata mu Cizuminano Cipyay. Mwabona? Lino, Mujibelo bwakali buzuba bwa sabata bwaka pegwa kuli ba Juda. Lino, bwakapegwa buyo mu mwaakwe.

<sup>131</sup> Lino, oyu inga wabuka mubuzyo umbi wa kuwaala kujoka kuli nguwo. Pele, lino amubone. Cindi Leza naka lyookezya aa buzuba bwaciloba, mpawo buzuba bwaciloba kwiina nobwaka bambwa, mbuli—mbuli kuciimo Mbwe zyi mu Lugwalo, kuyabuya kusikila kutandila myaka ili myaanda ili kkumi ayosanwe. Elyo mu nkanda, Leza wakapa Israyeli buzuba bwaciloba bwa citondezyo aakati... Leza.

<sup>132</sup> Elyo Leza waka lyookezya buzuba bwaciloba, buzuba Bwakwe bwa kulyookezya kwa ciibalusyo. Nda amba kuti mbuli boobo aa lugwasyo lwa ceeci inga kwaba ii—ii mukwesu muna Seventh-day Adventisti na mucizi, mwabona, alimwi bajisi mbungano mbotu. Elyo lino amubone, inga Nda impana buyo a mbabo aniini aa—aa mubuzyo oyu.

<sup>133</sup> Lino, Leza wakasetekanya buzuba bwaciloba. Mazuba ali cisambomwe wakali muntu. Buzuba bwaciloba bwakali buzuba bwa kulyookezya kwa Leza, cakali cikozyanyo, cikozyanyo ca Mileniamu. Lino, lino amubone eci, obo—obo mbo cinjilana. Lino cindi Jesu nakasika ku nyika, eco cakabambula Jesu cakali cakuti Ta kabamba buzuba bwa sabata; i kutamizya buyo kobile nko baka jisi kulwana Jesu kwakali kuti “Wa kamwaya buzuba bwa sabata, a kulibamba Mwini kuba Leza.” Elyo Wa kati Wa kali Mwami wa sabata. Wa kajisi... Wa kali aalo Sabata ya Leza, alimwi Wa kali Leza. Aboobo tee ba kajisi nzila yaku Mu tamikizya.

<sup>134</sup> Lino, andi bambe buyo eci kuli ndinywe a kumutondezya buzuba mbo tweeledede kubamba. Lino, sa kuli Lugwalo? Njo lombaa eci ku lugwasyo lwanu:

**Sa kuli Lugwalo, Mukwesu Branham, lu twaambila a ku tuzumizya kulemeka Nsondo mbuli buyo ba Juda mbo baka lemeka Mujibelo?**

<sup>135</sup> Peepe, munene, takukwe. Kutali Lugwalo mu Bbaibbele, lwa mu Cizuminano Cipyra, kuli ndiswe kubamba naa mu Mujibelo na Munsondo. Pele kaambo nco tu bamba Nsondo, calo nciibaluso ca bubuke. Taakwe. . .

<sup>136</sup> Lino, muyo amba kuti, “I Katolika yaba Roma yakacita ceeco.” Ba taminina kuti baka cicita, pele ikuti na bakacita, Musalali Paulo wakali muna Katolika wa Roma, elyo mbubonya Petro mbwa kabede, Johane, a Jakobo, a bamwi babo, nkambo baka swaana ku buzuba butaanzi bwa mvwiki ku kukomba kwabo. Elyo, kweendelana kuli basimakani aakale, nzila biyo njo bakali kukonzya kuziba aakati ka mu Juda wa Bunakristo a mu Juda wa orthodoxisi (boonse bakaunka ku masinagogi), pele umwi waka unka mu Mujibelo (oyo wakakaka bubuke bwa Jesu), alimwi umwi umbi waka unka Munsondo (oyo wakasyoma kuti Jesu wakabuka kuzwa ku bafu). Elyo eco cakali cizibyo. Elyo ci yooba, cicili cizibyo nekuba, alimwi inga cazwa mu kuba cizibyo ca munyama.

<sup>137</sup> Lino, Ndi lizi kuti i, bakwesu bayandwa ba Seventh-day Adventisti bayeeya kuti eco nce Caando ca Leza. Ba kati, “Mwa kaandwa ku kubamba sabata.” Takukwe Lugwalo mu Bbaibbele lwaamba boobo.

<sup>138</sup> Elyo ndoolu Lugwalo mu Bbaibbele lwaamba kuti—kuti mwa kaandwa, Baefeso 4:30, kati, “Muta penzyi Muuya Uusalala wa Leza kuli nguwo mwa kaandwa ku buzuba bwa lununuko lwanu,” lubbizyo lwa Muuya Uusalala.

<sup>139</sup> Lino Ndila mutondezya kuti Caando ca Leza ndubbizyo lwa Muuya Uusalala. Mwabona? Olo ndubbizyo lwa Muuya, calo Ncinamatizyo ca Leza. Lino, Isaya 28, wa kati, “Mulao ula bikkilwa ku mulao, kabala atala a kabala, awa kuniini alimwi awo kuniini.”

<sup>140</sup> Lino amulangilile, lino, mweenzuma oyandwa. Lino, bantu abo baleka kubeleka. . . Mwabona, bantu basola kujana cintucimwi cakulifutula lwakwe. Takukwe cintu nco konzya kucita kujatikizya ncico. Wa kafutulwa ku luzyalo. Leza ulacita kwiita, Leza ulacita kufutula. Amu tobele buyo i—i ndyato zya maulu aa Leza, kwa mana. To konzya kwaamba. Obo mbo bupange bwa muntu mbobubede. Ba sola kuleka kulya nyama, ba sola kubamba mazuba aa sabata, ba sola ku. . . “Ikuti na waleka kucita *ceeci*.” Nku. . . To kafutulwa mukuleka kulya nyama. To kafutulwa kuli *ceeci*, eco, na *cimbi*, Wa kafutulwa ku luzyalo! Elyo Leza, ku luzyalo, ula mupa Buumi, Butamani Bupya. Mwabona eco Nce pandulula? Elyo Buumi Butamani ndu bapatizyo lwa Muuya Uusalala.

<sup>141</sup> Lino andi mutondezye. Ino bbala *sabata* lyaamba nzi? Kufumbwa muntu uzayi, sa inga tambika buyo janza lyako? Sabata? [Ii mucizi waamba, “Kulyookezya.”—Mul.] Kulyookezya. Mbombubo. *S-a-b-a-t-a*, buzuba bwa sabata,



bwaamba “k-u-l-y-o-o-k-e-z-y-a,” buzuba bwa kulyookezya. Amujane kubala kwanu kwa mumbali mu Bbaibbele a kulanga, “Kulyookezya” buzuba. Lino atu unke ku ba Hebrayo, cipati ca 4, cakubinda ncobeni lino. Elyo tuyo . . .

142 Oyu—oyu mubuzyo wangu wamamanino mpoonya awa. Elyo, mukwesu, bona ikuti na Mukwesu Neville uli jisi alya. Ndi lizyi kuti imwi yayo mifwaafwi, aboobo tatu komukkazika kwa ciindi cilamfu. Lino, amundi jatile kuciindi Ne ibweza.

143 Lino, cindi mwabona bbala awa, *kulyookezya*, mpawo ulizi kuti lyaamba “sabata.”

144 Lino, nceeci Cizuminano Cipy. Jesu, mu Musalali Matayo, Wa katalika a chipati ca 5 ica Musalali Matayo, alimwi Wa katalika mbuli boobu: “Mwa kabamvwa kabaamba, balo iba ciindi cakale, ‘Muta kaciti mamambe.’” Kuti, cakali cinzi eco? I mulao, milao. “Pele Nda mwaambila, kuti, kufumbwa muntu uulanga mwanakazi caku musukama.” Kacicinca, embo na? “Mwa kabamvwa kabaamba, balo iba ciindi cakale, ‘Muta kajayi,’ pele Nda mwaambila!” Waka ucinca, sa Ta kacita? (Yeeya kuti Ta kacinca mulao?) Yaa. Wa kati, “Pele Nda mwaambila kuti kufumbwa oyo unyemena munyina kakutakwe kaambo wajaya kale.” Eco tii cakali kaindi kungsi lya Cizuminano Cakale, eco Ncizuminano Cipy. Wa kafumpa buyo kulaale kwiindilila ceeco. Mwabona? Wa kazumanana a kupa milao eyo, pele Wa kaimpya, Wa kasotoka umwi wane, uuli mbuzuba bwaciloba. Lino mu chipati ca 7, awo Mpa . . .

145 Mu Zyoolwe, nceeci Nca kaamba, Wa kati, “Mwaka bamvwa kabaamba, balo iba ciindi cakale, ‘Mu taka, alimwi mu taka,’ alimwi Nda mwaambila bwandeene. Mwa kabamvwa kabaamba kuti, ‘Ti inyo ku linyo, a liso ku liso,’ pele Nda mwaambila! Mwaka bamvwa kabaamba bwaandeene, pele Nda mwaambila!”

146 Lino, ku mamanino a ncico coonse, Wa kasiya mulazyo wane. Lino, obo bwakali, “Amuyeeye buzuba bwa sabata a kwiibamba kusalala.” Lino Wa kati:

*Amuboole kuli ndime, nyoonse nomu minidwe mikuli,  
nkabela Njo mupa kulyookezya kwa buntu bwanu.*

147 Lino amulangilile, “Kufumbwa oyo uucita bumambi weelede kuumwa mabwe,” ba keelede kuba moonya mu mucito wa mamambe. Mbo mbubo na? Alimwi kwa keelede kucitwa kunyama. “Kufumbwa muntu uujaya,” wa keelede kuba mujayi.

148 Pele Jesu wakati, “Kufumbwa muntu uulanga aa mwanakazi,” buntu bwakwe, muuya, taakwe cintu mu mubili wakwe eno. Buntu bwakwe bwakanununwa, tii bwakali boobu kaindi; bwakali mwiiyi wa cikolo, mwabona, mulao wakali obo. Lino Wa kati, “Kufumbwa muntu uulanga mwanakazi caku musukama wacita kale bumambi a nguwe mu moyo wakwe.” Lino Wa kati, “Mwa kabamvwa kabati, ‘Muta kajayi,’ pele Nda

amba kufumbwa oyo unyemena munyina kakutakwe kaambo wajaya kale.”

149 Lino Wa kati, mu majwi amwi, kujatikizya sabata, Wa kati:

*Amuboole kuli ndime, nyoonse nomu muminidwe ku mikuli . . . nkabela Njo mupa kulyookezya kwa buntu bwanu, sabata ku buntu bwanu. (Kutali ku mubili wakunyama, ku buntu bwako.)*

150 Lino, amuswiilile—amuswiilile kuli Paulo lino. Ikuti na mula konzya buyo . . . Ndi lizi kulapya a zintuzyonse, kula pya atala awa, akwalo. Pele, lino, atu jate eci kabotu lino kutegwa tu cibambe ncobeni. Lino, Paulo, kalembela ba Hebrayo. Nguni wakali ba Hebrayo? Kaamba. I ba Juda. Sa mbo mbubo? Lino, balo bakali basikubamba milao, basikubamba sabata. Sa mbo mbubo? Sa mbo mbubo, mukwesu, mukambausi? Ba kali basikubamba sabata, bakali basikubamba milao. Yaa.

151 Lino, Paulo uli mukuleta ba Juda, kwiinda ku zimvule a cikozyanyo, kutondezya obo mulao mbo wakatondezya, “I mulao mukuba cimvule ca zintu zibotu ziciza,” elyo ula zumanana a kuzipa omuya mu busena bomwe mbuli mweezi a zuba. Mbuli i—i—i mweezi ncimvule buyo ca zuba kalibala ku cisi cimwi cimbini na inyika imwi imbi, alimwi ula jokela kutondezya awa. Lino, pele lino, alimwi tii cakali kukonzya, i . . . Bahebrayo 9.

152 Lino, amubone lino mu Bahebrayo 4, ula boola ku muzeezo wa sabata. Lino amulange:

*Nkikaako atu yoowe, kulesya, i cisyomezyo caka siilwa ndiswe ku njila mu kulyookezya kwakwe, . . .*

153 Lino, Paulo kakanana kuli basikubamba sabata lino, bantu baka bamba buzuba bwa sabata. “Atu yoowe kulesya cisyomezyo caka siilwa ndiswe kujatikizya buzuba bwa sabata,” mu majwi amwi. Na ikuti na mwalangisya kubala kwanu kwa mumbali, na “kubamba kwa sabata.” Ngu “j” muli lyangu, kuzwa ku Bbaibbele lya Scofield, na “kubamba sabata.” Mwabona? Yaa.

*A tu . . . yoowa, kulesya, cisyomezyo caka siilwa ndiswe . . . kulela kuli ncico.*

*Nkambo kuli ndiswe makanimabotu aka kambaukwa, akwalo kuli mbabo (kaindi kungsi lya mulao): pele ijwi lya kakambaukwa tiilya kaba gwasya, mu kutasanganisigwa a lusyomo kuli baabo baka limvwa.*

154 Lino, oko nkaindi kungsi lya mulao. Tiiba kajisi lusyomo, nkaambo kunyina cintu caku luyaamika. Mwabona? Yaa:

*Nkambo swebo nitwa kasyoma ku njila mu kulyookezya Kwakwe, mbuli mbwa kati, . . .*

155 Lino, “Kwakwe” kulyookezya. Lino, “Kwakwe,” kwalo Nkulyookezya kwa Kristo. Yaa, Kulyookezya Kwakwe, “sabata Yakwe.” Elyo ciindi coonse Nda belesya kulyookezya, kuli

lembedwe alya, Ndiyo belesya “sabata” aboobo muyo mwisya kujatikizya kubamba buzuba. Mwabona?

*Nkambo swebo nitwa kasyoma ku njila mu sabata Yakwe, kulyookezya, mbuli mbwa kati, . . . Nda konkezya mu bukali bwangu, (ku ba Hebrayo) taba ka njili mu kulyookezya kwangu: nekubakuti . . . (Lino, amulangilile Paulo kaunka kububamba kuba buzuba bwa kasalazigwa ibwa Leza) . . . nekubakuti milimo yaka manizigwa kuzwa ku malengelo aa inyika.*

*Nkambo wa kaamba mu busena bumwi bwa buzuba bwaciloba bwa kulyookezya, na sabata . . . (Sa mbo mbubo? Ndiyo bikka ceeco awo, mwabona.)*

*Nkambo wa kaamba mu busena bumwi (mu mulao) bwa buzuba bwaciloba mu nzila eyi, Elyo Leza waka lyookezya aa buzuba bwaciloba kuzwa ku milimo yakwe yoonse.*

156 Mboobo buzuba bwanu bwaciloba. Lino, Paulo waka zumina kuti Leza waka bupa kuli mbabo, obo bwakali buzuba bwaciloba. Elyo Leza waka lyookezya buzuba bwaciloba, Wa kalongezya buzuba bwa sabata, Wa kabusetekanya, alimwi Wa kabusalazya, a kucibamba buzuba bwa kulyookezya. Leza waka cicita, kuzwa ku milimo Yakwe yoonse.

*Elyo mu busena obu alubo, Ikuti na bayo njila mu kulyookezya kwangu. (Jesu kakanana.)*

157 Lino, kuli sabata imbi kubusena bumwi. Ino ili kuli? Lino, amuyeeye eci awa, “kulyookezya kwa Leza,” buzuba obo bwaciloba. Paulo wakati, “Ba kajisi eco mu busena bumwi.” Pele lino alubo wa kati, “Ikuti na bayo njila mu Kulyookezya Kwangu,” kukanana Jesu muli Matayo kabotu.

*Mukubona kuti ku cili kuti bamwi beelede kunjila mukati, alimwi kuli mbabo nkwa kasaanguna kukambaukwa tiiba kanjila . . . nkaambo ka kutasyoma:*

*Alubo, . . .*

158 Lino amuswiilile kabotu! Nyoonse amuswiilile, amwaambe “Ameni.” [Mbunga yaamba, “Ameni.”—Mul.] Amuswiilile:

*Alubo, wa kacita buzuba bumwi, . . .*

159 Wa kacita buzuba awa. Ino cakali cinzi? Bantubonse ba caamba lomwe. I sabata! Sa mbo mbubo? Wa kabamba buzuba bwaciloba bwa mvwiki mbuli sabata mu busena obu.

*Elyo alubo, wa kabamba buzuba bumwi, kaamba muli Davida (mu Ntembauzyo), Bwa sunu, kumane ciindi cilamfu loko; (mane Jesu akaboole, nywebo mwabona, ciindi citaanzi) . . . ca kaambwa, Bwa sunu ikuti na mwa . . . mwa jwi lyakwe, muta yumyi moyo wanu. (kuli kulyookezya kumbi kuboola; kutali cakunyama, kwa kumuuya)*

160 Lino, amulangilile. Oh, nywebo mwati, “Cindi twa ba a buzuba bwaciloba, aswebo.” Lino, amu cijate aniini buyo. Atu bale kampango katobela, mwabona, muta ibali cakufwambaana maningi. Yaa:

*Nkambo ikuti na Jesu waka bapa . . . Nkambo ikuti— ikuti na Jesu waka bapa kulyookezya, buzuba bwa kulyookezya, mpawo sa nata kaamba kumane zya buzuba bumbi.*

161 Cindi Na kacinca mulao, kuzwa ku mulao kuyaku luzyalo, sa Na taka bapa buzuba bwa kulyookezya, buzuba bumwi? Pele Ta kaamba cintu kujatikizya sabata. Taakwe nca kaamba kujatikizya Munsondo, Taakwe nca kaamba mu Mujibelo. Pele nceeci Nca kaamba, Paulo wakaamba. Lino amulangilile, “Kuli . . .” I kampango 19 . . . na ka 9:

*Nkikaako nkoicili sabata ku bantu ba Leza. (Nkokuti bwa sunu!) . . . Mpaawo nkoicili . . . ii sabata ku bantu ba Leza.*

*Nkambo walo (yebo na Mebo) oyo wa kanjila mu kulyookezya kwakwe (Kulyookezya kwa Jesu, “Amuboole kuli Ndime, nyoonse nomu minidwe amikuli, Njo mupa Kulyookezya”), walo (yebo na Mebo) wa leka kuzwa ku mulimo yakwe wini, mbuli Leza mbwa kacita kuzwa kuli yakwe ku matalikilo.*

162 Ameni! Njeeyo sabata yanu. Sa mbo mbubo?

*Atu beleke . . . (kaamba Paulo) . . . kunjila mu kulyookezya oko, kulesya muntu umwi kuti ata wi mbuli mukozyanyo nguonya wa kutasyoma (kwa mazuba abumwi bumbi, mwabona).*

*Nkambo ijwi lya Leza lila buumi, a lyanguzu, a kubosya kwinda panga lya mabemba obilo, kuyasa akwalo . . . i kwandaanya kwa buntu . . . alimwi ii sikutweluka wa i . . . a wa . . . (atu bone) . . . ca i muuya, a wa i . . . (kaindi buyo kaniini) . . . kwandaanya kwa i buntu alimwi i muuya, a . . . maswaanino amafulwa i a mooma, alimwi . . . ii sikutweluka wa miyeeyo alimwi i makanze aa moyo.*

*Kunyina cilenge nociba comwe . . . cita yubunwidwe ku meso akwe: nkambo zintu zyoonse zili aa cinswe a kujuka kumbele lya liso kuli nguwe kwalo muli nguwe mo tweelede kucita.*

163 Lino, amulange, Leza waka lyookezya buzuba bwaciloba, kalenga buzuba bwaciloba, kabupa kuba Juda ku ciibalusyo. Ndi kanana zya Musalali Paulo lino, mwabona, awa. Lino, muyeeya kuti wakali ku Ci leta? Sena muyeeya kuti waka jisi nguzu? Lino, ino waamba nzi mu Bagalatia 1:8? “Ikuti na Angelo uuzwa ku Julu wasika a kumuyiisya makani ambi ali

oonse kunze lya ayo Nge kaamba, abe kuli ndinywe mutuke.” Mwabona, makanimabotu ali antangalala. Lino, amulangilile.

164 “Ee, Mukwesu Branham, lino ino inga Nda cita nzi, kusyoma buyo Jesu Kristo?” Peepe. Oko takuli Kulyookezya.

165 Lino, ikuti na muyanda kuziba cintu. . . Mbangaye bayanda kuziba oko Kulyookezya kwa Bunakristo mbo kubede, kwaamba “Ameni.” [Mbunga yaamba, “Ameni.”—Mul.] Lino, inga mwa yeengela ikuti na mula yanda, Isaya 28. Wa kati, “Mulao weelede kuba aa mulao—mulao,” kukanana. “Mulao atala lya mulao, kabala atala a kabala, awa kuniini alimwi awo kuniini, a kujatilila kuli zeezyo zibotu.” I musinsimi kakanana ciindi ciboola, cijatikizya Kulyookezya, sabata. Amubale cipati coonse, mwabona, uli mu kwaamba kuti, “Ziindi okuya buzuba bwa sabata bwaakumanisigwa,” nkabela bayo sambalila mabbusu mu Mujibelo mbubonya mbo bakacita mu Muvulo, na kufumbwa kumbi. Nywebo mwabona? Kati, “Ino cinooli ciindi nzi?” Kati:

. . . *mulao atala lya mulao; . . . kabala atala a kabala; awa kuniini, alimwi awo kuniini:* mujatisye kuli ceeco cibotu.

*Nkambo a milomo imamauka a myaambo imbi kwalo Njo kananina bantu aba.*

. . . Elyo *eyi ni* sabata, *i kulyookezya* oko Nkwe kaamba kuti baka njile. Elyo kuli zyoonse Ezi baka yumya myoyo yabo a kugunyagunya mitwe yabo a ku Li kaka. (Cintu nciconya buyo ncoba kacita aa Pentekoste cindi Muuya Uusalala niwaka wida aa bantu, alimwi Muuya Uusalala waka sanguna kupegwa ku bantu kaindi kuya aa Buzuba bwa Pentekoste. Oko Nkulyookezya, sabata ku bantu ba Leza.) . . .

166 Aboobo kaambo kalikke nco tu bamba Nsondo, kakatalika kwiinda ku matata esu aakaindi aa Bbaibbele, Musalali Paulo, Johane, Matayo, Marko, Luka, a boonse babo, ba kanka kuzwa ku ng’anda kuya ku ng’anda, ba kalya mulalilo aa buzuba butaanzi bwa mvwiki cindi basikwiiya niba kaboola antoomwe, alimwi yakali kutegwa, kutali sabata, pele buzuba bwa Mwami.

167 Johane wakati, aa Kasuwa ka Patmo, ka sitikizigwa kale mu mbungano, “Nda kali mu Muuya aa buzuba bwa Mwami.” Mbo mbubo. Mwabona? Elyo mpawo wa kabona. . .

168 Elyo—elyo, lino, buzuba bwa Mwami bwalo—bwalo mbuzuba obo Mwami mbwa kabuka. Lino, koya kajane simakani akale, Josephus, Agabus, bunji bwa baabo bambi, na, kutali Agabus, oh, Nse konzyi. . . Kufumbwa balembi babo bensiku, elyo muyo jana kaindi okuya. I basimakani akale ba mbungano, *Foxe’s Book of Martyrs*, bunji bwa yaayo, elyo muyo jana kuti okuya olo lwandaano luzutu. . . Balo ni nkamu yaba Juda. Umwi wabo ba kaita “basindyabantu,” abo bakali Banakristo. Ba kati, “Kwakali muntu oyo Pontiasi Pilato ngwa kajaya

nkabela basikwiiya bakasika a kubba mubili wakwe. Elyo baka usisa, alimwi monse—monse Munsondo balaunka kuyolya cibeela canguwo.” Ba kali kulya mulalilo, nywebo mwabona. Ba buyo . . . Ba kali kulya mubili Wakwe, nywebo mwabona. Ba kati bakali kulya mubili wa Mwami, mulalilo. Elyo tiiba kazi mbo cakabede, elyo wa kati, “Ba kali basindyabantu.” Kati, “Ba launka kuyoolya ku buzuba butaanzi bwa mvwiki, bala swaangana antoomwe a kulya mubili wa muntu oyu.”

<sup>169</sup> Elyo nzila biyo njo kali kukonzya kuziba naa bakali basikubamba milao a kukaka bubuke cabubi, na bakali Banakristo a kusyoma bubuke, umwi wakainka ku mbungano mu Mujibelo a umwi wakainka ku cikombelo Munsondo, eco cakali cizibyo akati kabo.

<sup>170</sup> Eco nciyumu kapati, embo na? Yaa. Nda syoma eco caubamba. I Muuya Uusalala ngu . . .

<sup>171</sup> Lino, ujisi cintucimwi awo, mukwesu? Yebo uyanda . . . Sena uyanda—sena uyanda kunyamuka ku wiingula? Atu bone, mpoonya awa. Oh, iiyi.

### **5. Sa ba Juda bayooba a coolwe ca kufutulwa bubanze bwa Bamasi kwasika ku kujala?**

<sup>172</sup> Oh, ma, ikuti na eco tacili cibotu loko! Ta tujisi ciindi caku njila muli ncico kabotu loko, pele andi mwaambile eci. Elyo kobweza ijwi lyangu, Njo kutondezya. Ku . . . Ikuti na muyo bweza ijwi lyangu (mbuli Mbwe cipandulula) kuli Leza, mpawo mwaunka kuyo lilanga, mwabona, elyo mpawo muyo ziba. Nkaambo Nda ezezya . . . Nse konzyi kubona nkoloko, pele Nda yezezya kuti ca inda . . . Ino nciindi nzi? Inzi? Cisela cainda ku naini. Nde elede kuunka ku cibbadela, a kuunka ku New Albany, elyo tweelede kumana ku maminiti ali makumi obile aosanwe kwindilila thrii kuseeni. Aboobo . . . Elyo Nse na kuyoona kiitana sika tuu na thrii okuloko busiku bumwi mvwiki ino.

<sup>173</sup> Lino amubone awa, cakufwambaana lino, kujana ceeci. Iiyi, mweenzuma Munakristo uyandwa, buzuba bwa Bamasi bwamana, kumanizya ndyoonya lino. Elyo Leza uyo bweeda ku mu Juda. Elyo anda ambe ku mbungano eyi niini eyo Nje komba cakuzumanana. Elyo zisinsime kuzwa ku zibeela zyandeene zya cisi, bali mukutula mukati muno kujatikizya eci. Nda syoma kuti mu Juda . . . Lino, amubikke mabbaki anu aniini buyo, lino.

<sup>174</sup> I mu Juda tana konzya kumita eci cintu comwe ca mbungano ya Bunakristo. I mu Juda wa ndaambila, ziindi zinji, “Mukwesu, yebo tokonzyi kwaabaula Leza mu zibeela zyoatwe a ku Mu pa kuli ndime.” I mu Juda ujisi Leza omwe, nkabela oyo ngu Jehova.

<sup>175</sup> Alimwi Bamasi baka ciimpya loko eco, kusikila ula ciyiisigwa munzila, nekuba, a luzibo. Nda syoma walo—walo ujisi i—i muzeezo wa ncico, kuti taakwe baleza botatwe. Kuli Leza omwe, kutondezegwa kotatwe. Bubebwabantu botatwe mu Muntu omwe. Elyo cindi wakonzya kujana mulumbe, Nda

kati kuli Hyman Appleman . . . Bunji bwanu muli muzi. Wa kati, “Mukwesu Branham, ikuti na watola mulumbe oyo ku Palestine a zitondezyo a zigambyo,” kati, “kuyooba ba Juda bali mamilioni bayo tambula Jesu Kristo mbuli Mufutuli wacigaminina.” Mwabona, mbo mbubo. Lino, Nda kati . . .

<sup>176</sup> Ngooyu Mulumbe ngo tujisi awa. Jesu wakali Jehova wakatondezegwa mu mubili wabuntu, waka seluka ansi katondezegwa. Lino, Leza (Taata, Mwana, a Muuya Uusalala) tali mbuli kanwe kako, komwe, mbuli bantu bamwi mbo bayeeya. I cintu coonse cili buyo mbuli . . . Peepe, Leza uli . . . Nda civungulula buyo kuli ndinywe kaindi kainda, mwabona, kuti kuli trinitu muli Omwe.

<sup>177</sup> Ndili trinitu muli omwe. Ndili buntu, mubili, a muuya, mu muntu omwe. Sa mbo mbubo? Masimpe. Nda—Nda pangwa kwa—kwa maseelo, bulowa, a nsinga, elyo nekubaboobo cilenge comwe. Mwabona? Zintuzyonse nzo mulanga zili mu trinitu, a trinitu muli comwe.

<sup>178</sup> Kwakali trinitu mu bwaato. I cibuye caansi, zintu ziyavula; cibuye cabili ku bayuni, zintu zyuuluka; elyo cibuye catatu kuli Nowa a mukwasyi wakwe. Zintuzyonse!

<sup>179</sup> Mu cikombelo. Kwakali mbunga, busena busalala, Busalalisya. Mwabona?

<sup>180</sup> Elyo kwakali mabanze otatwe. I Ciimocataata, ciimo Camwana, a bubanze bwa Muuya Uusalala. Mwabona eco nce Ndi pandulula? Pele abo botatwe boonse . . . Ta twaambi kuti, “Baleza besu.” Oyo muhedeni, alimwi mu Juda ulizi obo. Pele cindi wakonzya kucibamba kuli nguwe kuti oyu Jesu NGU Leza, Jehova Leza, kutali muntu wabili na muntu watatu, walo Muntu nguonya ciindi coonse kalibamba Mwini kuyubululwa. Mwabona? Elyo mpawo a zitondezyo a zigambyo kutondezya kuti Jesu wakabuka kuzwa ku bafu.

<sup>181</sup> Elyo oyu Mwiyi Reidhead . . .

<sup>182</sup> Mukwesu kusule okuya, mwiiyi wa mbungano, mwiiyi okuya, mwiiyi wa cikolo, omuno mu mbungano sunumasiku, Nda kamubona, elyo Nda kasukana maanza a mukaintu wakwe a muvwanda kusule okuya. Wa kali kubusena kuya kuyo mumvwa ka kambauka busiku bumwi. Ndi yeeya kuti nkobali, ikuti na tabana unka, syoma kuti mwiiyi wa cikolo mu Louisville. Nekubaboobo, bakali okuya kuyo mumvwa.

<sup>183</sup> Cila gambya, mwaalumi wakasika ku ng’anda yangu, walo a umbi (a mu Juda), myeezi misyoonto yainda. Elyo wa kati, “Mukwesu Branham, Ndi jisi madigrii *manji obu* muli Bob Jones. Ndi jisi . . . kuzwa mu Wheaton.” Lwiiyo loonse olo lukonzya kulundana muli nguwe! Kati, “Nda kasyoma Leza kuzwa ni Nda kali mulombe muniini.” Elyo kati, “Nekubaboobo buumi bwangu tabuna kwaaka cintu!” Wa kati, “Sa bamayi bakali lubide?”

184 Elyo ngooyu muzeezo. Ikuti na umwi...Ikuti na bamwi banu bakaliko ku Mulyango Uujukide busiku bumwi, cindi nitwa kali kukambauka kusyoonto antoomwe. Wa kati, "Cindi Nda kumana kwaamba kwangu boobo..." Lino, amuswiilile, cikombelo cinini, ku mipailo yanu a zintu zyaka gwasigwa, amuswiilile kuli ceeci. Wa kandaambila eco kale, okuno ku ng'anda.

185 Wa kaboola ku ng'anda yangu, wa kati, "Mukwesu Branham," kati, "Nda bula cakwaamba mu kugamba." Wa kati, "Sa kuli cintucimwi cipati maningi kwiinda ceeci Nce kasyoma a kuzumina, Kristo mbuli Mufutuli wangu wacigaminina? Elyo Nda syoma kuti Nda kazyalululwa a Muuya, pele Nse jisi kamboni wa cintu cili coonse."

186 Nda kati, "Mukwesu, kuciimo mbuli Mbwe bijilwa ku caamba, bamayi baka kucenga, ku cikolo cako."

187 Amulange, mbuli Mbwe—Mbwe konzya kwaamba ceeco, Nse syomi kutondezya munwe wako canciki kuya ku Julu: "Sena mula syoma eci?" mu mabungano, "Lino, awa, andi vunune cakubinda kwiinda awa, i—i Bbaibbele lyaamba *ceeci*, sena mula syoma obo?" I dyabulosi ula syoma a kukankama! Tacili ceeco nco syoma. Muuya wako weelede kupa bulunguluzi a Muuya Wakwe kuti muli bana balombe abasimbi iba Leza, kwiinda kukuzyalwa lwabili a kutambula lubapatizyo lwa Muuya Uusalala.

188 Wa kati, "Mukwesu Branham, ino uyeeya nzi kujatikizya ba Pentekoste?"

189 Elyo Nda kati, "Ako nkekaambo Nce beleka ambabo. Ako nke kaambo Nceli—Nceli jana a mbabo, ba jisi cintucimwi eco ncota jisi." Nda kati, "A ziimo zyabo zyakwiindilizya a zintu zyoonse, bali jisi bwini obo mbo tazi cintu kujatikizya." Elyo Nda kali kwaambaula kuli umwi wa bantu bapati maningi mu America, mpoonya awo. Iiyi, munene. Walo muleli wa Sudan Missions, mupati maningi mu inyika yoonse, simbaakani kumaninina. Wa kalizi Magwalo, a *lufu*, *kuzikkwa* a *bubuke*, ku cikambauka buyo mbuli ng'anda iyaka mulilo. Pele eco tacili Ncico. I dyabulosi inga wacita eco, awalo. I dyabulosi uli buyo mbuli silusinzyo mbuli mbwa konzya kuba.

190 Pele, mukwesu, Jesu Kristo wakati, "Citakuti muntu wazyalwa ku Muuya wa Leza ta kaboni Bwami bwa Leza."

191 Kutali buyo kuti nkaambo waamba kuti, "Iiyi, Nda syoma obo. Inzya, Nda—Nda syoma eyo nje nzila eyo. Nda syoma obo. Iiyi." Eco ta cici. Ce elede kuba luzibo lwini lwa Kuzyalwa kupya. Ci leelede kuba cintu cimwi akati ka nduwe a Leza kuti ulizi kuti wakazwa ku lufu kuya ku Buumi.

192 Kati, "Mukwesu Branham, sa inga Nda tambula Muuya Uusalala?"



193 Nda kati, “Kubikka buyo maanza ali Hyman Appleman kunselelo okuya, nkabela wa katambula lubbizyo lwa Muuya Uusalala.”

194 Oyu mu Juda umbi wakatalika kulila, akupwaya nkapu ya gilazi a tafule liniini lya kkofo alya, a kulila kupa kutekela maanzi alya manji. Bobilo babo bakati, “Mukwesu Branham, mbobuti mbo tu tambula Muuya Uusalala?” Basicikolo! Basongo loko, bapampu! Babotu loko baliko mu cisi!

195 Elyo Nda kati, “I nzila ya buapostolo yakutambula Muuya Uusalala ngwa kubikka maanza ali mbabo.” Mbo mbubo.

196 “Kubikka kwa maanza.” Ananiya wakasika kubikka maanza ali Paulo kutegwa atambule kukubona kwakwe a kuzuzigwa Muuya Uusalala.

197 Filipo wakaunka kunselelo akuyo kambauka kunselelo okuya, a kubbizya nkamu yoonse kunselelo okuya mu Zina lya Jesu Kristo. I Muuya Uusalala tee wakalina sika, nkaambo Petro waka jisi zizaluzyo. Elyo wa kaselemuka, nkabela wa kabikka maanza ali mbabo, nkabela baka tambula Muuya Uusalala. Sa mbo mbubo?

198 Paulo, mu Incito 19, nakamana kwiinda. Apolo, wakali musyobo wa Billy Graham okuya, wakali kuba a lubukulusyo lupati a ciindi cibotu. Wa kati, “Sena mwaka tambula Muuya Uusalala kuzwa nomwa kasyoma?” ku nkamu eyo yaba Baptisti.

199 Ba kati, “Tuli batobezi ba Johane. Tu lizi! Apolo mukambausi wesu, walo muntu wakasanduka, musongo loko mu cisi.”

200 Wa kaamba, “Pesi sa wakatambula Muuya Uusalala kuzwa nomwaka syoma?”

Wa kati, “Ta tuzi naa kuli Muuya Uusalala uuli oonse.”

Kati, “Mpawo mbobuti mbo mwaka bapatizigwa?”

Kati, “Twa ka bapatizigwa kuli Johane.”

201 Kati, “Wa kabapatizya ku kweempwa, kwaamba kuti yebo ula syoma aali Nguwe kuboola, aali Jesu Kristo.” Elyo cindi niba kamvwa Eci, baka bapatizigwa mu Zina lya Jesu Kristo. Elyo Paulo waka bikka maanza akwe ali mbabo nkabela baka tambula Muuya Uusalala, katalika kukanana mu myaambo a kulemeka Leza. Eco cila ntangalala mbuli Mbwe zyi Lugwalo.

202 Lino, langa, mweenzuma! Inga kwaba lwandaano luniini awa mu mizeezo yanu, nkaambo tula nyongana a zintuzyonse. Pele atu cibikke, kutasola kubikka bupanduluzi bwanu. Kwaamba eco Bbaibbele nco lyaamba, amu Ci bale buyo mu nzila eyi.

203 Elyo Nda kati, “I cintu buyo nce Ndi zyi, bakwesu, nkubikka maanza ali mbabo abo bayandaula Muuya Uusalala.”

204 Wa kati, “Sa inga mwa bikka maanza a—a kulomba Leza kutulongeza a kutupa Muuya Uusalala?”

205 Nda kati, “Ndiyo cita.” Elyo twa kafugama aa cibuye, elyo Nda kakomba a kubikka maanza ali mbabo. Elyo kutandila mvwiki zisyoonto kumane ceeco, bobilo babo bakatambula lubbizyo lwa Muuya Uusalala. Elyo cindi oyu Mwiyi Reidhead nakatambula lubbizyo lwa Muuya Uusalala, kaboola kwiinda mu kwaambaula mu myaambo imbi. Iiyi, munene.

206 Alimwi Sudan Missions yanu yakati, “Ta tujisi busena bwa muntu oyo unga wa kanana mu myaambo.”

207 Elyo wa kaboola kuli ndime a kwaamba, “Muntuumwi kakanana mu myaambo?”

208 “Baa, baa,” Nda kati, “taba jisi busena bwa Jesu Kristo, nkambo Jesu Kristo wa kaambaula mu myaambo itazizilwe; nkabela wakafwa, kaambaula mu myaambo itazizilwe.”

209 Tiiba kakonzya kuzumina kuyiisya kwa Paulo, Paulo wakaamba mu myaambo kwiinda boonse babo.

210 Umwi wakati kuli ndime ijilo, kati, “Inga ndasala kukanana majwi osanwe a kumvwisya.”

211 Pele kuyiisya kwa Paulo kwakati, “Amuyandisye businsini, alimwi muta kasyi kwaambaula mu myaambo.” Elyo bala kasigwa kukanana mu myaambo!

212 Kwaambaula mu myaambo ncipego ca Buleza ica Leza eco cizulilwa mu mbungano mbubonya buyo sunu mbuli mbo cakabede kaindi kuya ku matalikilo. Obo Mbwini ncobeni. Iiyi, nconzyo! Oko nku yiisya kwa Bbaibbele. Ncipego ca Buleza, alimwi mula kaka eco mbubonya buyo mbo—mbo mu kaka Kuzyalwa kupya, mula kaka zintuzyonse ezyo Jesu nzya kayiisya cindi mwasola kumwaya ezyo.

213 Lino, inga wapilingana ali ceeco, bunji bwabo bakacita. Pele Nda amba, “Oko kuli jisi busena bwao.” Cili buyo mbuli mabbusu; cindi waula mabbusu, milaka ili muli ngawo. Elyo mbo mbubo. Cindi waba mu Mubili wa Kristo, Leza uli jisi tafule lyoonse lizwide, awa. Uli jisi luyandisyo, Uli jisi lutangalo.

214 Ikuti na Nda kaunka ku tafule lyako a kukkala awo, elyo wa kati, “Mukambausi, boola ukalye andime,” Nda syoma ula ndiyanda. Elyo waka jisi bunyangu a magwili a makkaroti a nkuku ikangidwe a pai ya cipusi alimwi a aisikrimu, zintuzyonse kazibikkidwe alya. Baa, Nda syoma inga Nda tambulwa buyo mbuli ku magwili mbuli mbo Nda kabede ku bunyangu. I cintu buyo, Nda syoma inga Nda tambulwa buyo ku nkuku mbuli mbo Nda kabede ku pai. Zyoonse zili aa tafule. Elyo cintu buyo Nce elede kucita nkuti, “Sa inga wandi tambikizya paii limwi?” Elyo Nda syoma a moyo wa bulubusi bubotu, luyando lwako kuli ndime, inga wati, “Nincobeni, mukwesu wangu, ujisi cibeela cipti a cibotu loko ca ncico.” Sa mbo mbubo? Ikuti na Nda

amba, “Sa inga wandi tambikizya magwili?” “Baa, nincobeni, mukwesu wangu, nceeci we.”

215 Elyo cileleko conse calununuko eco Jesu Kristo nca kafwida a kuula mu mulungo Wakwe aa Kalivari, cili bikkidwe a tafule nkabela musyomi onse uli kkede kumbele lya ncico. Aleluya! Ikuti na Ndi yandikana kuponesegwa, Nda amba, “Taata, kondi tambikizya kuponesegwa kumwi,” elyo Nda kutila mu mutiba wangu a kulya kupati. . . Lino, ikuti na uyanda kufwa nzala calufu, koya ambele. Iiyi, munene. Elyo ikuti na businsimi, kwaambaula mu myaambo. . .

216 Elyo—elyo mpawo mwaalumi wakalemba omuya, ta kazi kuti Nda kaambaula. . . kaambaula mu myaambo lwangu. Elyo ulemba bbuku eli, muyo lijana kali mwaisya masi. Elyo kunze lya ceeco, oyu muntu ujisi bakutausi bali makumi obilo a bosanwe bazizilwe baku Cikolo ca Moody ica Bbaibbele kuyandaula cipego ca kwaambaula mu myaambo. I bantu ba simbaakani baka pindamuka. *The Christian Life*, mweezi oyu—oyu, amulange ku *Christian Life* magazini mweezi oyu, aa peegi lya naintiini, a kulanga oyo mwiiyi mupati wa lwiiyo lwabukombi, wakati, “Sa tula zumina eci? Sa twa sweekelwa cintu cimwi?”

217 Nda mvwa kunji kwa mvula kaiboola! Mwa kacitya ku cinyonena ku kkona, pele caka boola ku busena obo Leza mbwapa nyika ya Bamasi ku zunganya a lubapatizyo lwa Muuya Uusalala, ku Ci tila a buzule Bwaco boonse a nguzu a zitondezyo a zigambyo. I kaambo Nce jatilide. . . Pentekoste yatonta kuya ku kkona a kuunka cabukali aa zintu zyandeene mbuli boobo, ciindi tii cakabizwa pe. Nke kaambo baka jisi ciimo eco conse cakwiindilizya. Pele eco neisyomezyo ca Leza ca Buleza a Ijwi lya Leza lya Buleza, alimwi Lye elede kuboola kucitika nkambo ka Leza wa kaamba boobo. Elyo Nda syoma kakutanaba buyo mamanino aa bubanze bwa Bamasi kuti Leza uyo tila aa ba simbaakani.

218 Inga mwa cibala mu *Reader's Digest* mweezi oyu, aka kaambo ka Ivwivwi ka ncico. Koya ukalange, obo mukambausi muna Methodist kunselelo okuya mu cikambaukilo okuya, kukombela mwaalumi oyo kalede awo kafwa aa bulo bwa cibbadela, a kamboni wa Muuya Uusalala wakasika nkabela muntu waka ponesegwa mpoonya awo. Aleluya! Masimpe. Leza uli jisi kuponesegwa kwa Buleza kukkede aa tafule awa! Uli jisi cisinsimi cikkede aa tafule awa! Uli jisi kwaambaula mu myaambo aa tafule awa! Uli jisi zipego zya kumuuya zili fuka mu Mubili, alimwi uli tambwidwe kuli cimwi acimwi cazyo! Aleluya! Iiyi, munene, mpaawa mpo tubede.

**Sa . . . Ku kujalwa kwa Bamasi, sena ba Juda bayo bweeda?**

219 Iiyi, munene. Magwalo manji, mucizi, mukwesu, kufumbwa na nguni. Joeli kuli komwe, “Eco diingo ncolya kasiya,

inswabaanda yaka cilya,” azimwi zimbi, eco cisamu. Elyo Jesu wakaaamba Mwini obo mbo bakali kuyo tandwa a zintuzyonse. Oh, Lugwalo loonse, Daniele a koonse, lukanana ndulo. Iiyi, Jesu wakati, “Cindi mwaa kubona musamu wabukuyu kaubikha delema, mukazibe kuti ciindi caswena.”

Nda syoma kuti oyu umwi umbi ubeleka cintucimwi a ncico:

**6. Sena ula syoma kuti kubweeda kwa ba Juda—ba Juda ku Palestine nkuzulizigwa kwa cisinsime ca Bbaibbele? Twa kamvwa kuti wakali kuunka ku Palestine, sa obo mbwini?**

<sup>220</sup> Iiyi. Iiyi, munene. Andi kwaambile cintucimwi, cimwi ca cipati maningi. . . Ikuti na muyanda kubona ciindi ca mwaka mbo cibede, amulange aa kkalenda. Ikuti na muyanda kubona ciindi ca masiku mbo cibede, amulange ku nkoloko. Ikuti na muyanda kubona buzuba mbo muponamo, amulange awo ba Juda mpobabede. Eyo ni nkoloko ya Leza.

<sup>221</sup> Elyo amulange! I busiku mbubonya, buzuba mbubonya, kuti Angelo wa Mwami waka ndiswaana, 1946, aa Kaandakaniini kamusanu ababili, ku Green’s Mill, Indiana, obo buzuba mbubonya cizuminano ca luumuno caka sainwa ba Juda alimwi bakali cisi cakayakwa kwa ciindi citaanzi ku myaka ili myaanda ya makumi obilo ayosanwe. Aleluya!

<sup>222</sup> Elyo, sunumasiku, ndembela yakaindi maningi mu inyika yoonse, nyenyeezi ya ziimbi zili cisambomwe iya Davida, ilauluka atala lya Jerusalema kwa ciindi citaanzi mu myaka ili myaanda ya makumi obilo ayosanwe, kuzwa kukutolwa kwa Babuloni. Jesu wakati, “Cindi mwaa kubona musamu wa bukuyu kaubikha delema.” Ngooyo mbwa bede! Alya Wa kati, “Amwiiye cikozyanyo. Mu lati ‘mainza aswena.’ Cindi mwabona ceeci, amuzibe kuti ciindi cili ku mulyango.” Tuli nkoonya ku mamanino aa ciindi.

<sup>223</sup> Amulange obo “cisesemyo” ca Daniele, azimwi zimbi, nywebo mulizi, cindi Jesu nakati. “Cindi Sibwami mupati akuboola, Uyo sinsima ii—ii mazuba ali cuulu a myaanda yobilo a makumi ali cisambomwe,” yakali myaka yotatwe a myeezi ili cisambomwe. Elyo nce ncico ncobeni Jesu nca kakambauka. Wa kaboola kuba Juda balikke, mpawo Uyo nyonyoonwa ku ii—ii cituuzyo ca bantu. “Elyo cisesemyo eco cibamba tongo,” bana Muhamedani bakayaka Moslemu ya Omar okuya. “Elyo bakali kunga bala lyataula malambo aa Jerusalema kusikila” (fyuu! Kusikila nzi?) “i bubanze bwa Bamasi buka zulizigwe.” Elyo mpawo Uyo jokela kuba Juda alubo, alimwi ndeelyo Nkondo ya Amagedoni yakutola. . . Mpaawo Wa kaita Bamasi, ku gusya bantu ku Zina Lyakwe, Nabwiinga Wakwe. Amubone. Iiyi, munene. I bali zyuulu zili mwaanda amakumi one abone boonse mba Juda bakanununwa abo beelede kwiima okuya. Boonse aba. . .

224 Mpawo cindi Mbungano yatolwa kujulu, Musa a Eliya baboola, mu Ciyubunuzyo 11, a kukambauka Jesu Kristo kuli mbabo. Elyo Muuya Uusalala waka tolwa kuzwa kuli Bamasi, nkabela Kukwempwa kwaboola kwa Mbungano kuti ikatolwe kujulu. Elyo ba Juda abo basyeede awa bayo kambaukilwa kwa myaka yotatwe acisela, nkaambo wa kati, “Kuli mvwiki zili makumi ali ciloba zicibikkidwe aa bantu Bako, nkabela Mesiya uyo nyonyoonwa akati kabo.” Cindi Aku gusigwa, Bamasi bayo pegwa busena, alimwi mpawo bajisi myaka imbi yotatwe a cisela yakukambaukilwa, zya Jesu Kristo.

225 Masimpe, ba Juda bali mukuboola. Elyo Nda syoma, mukwesu, kuti cindi twa kusika kuya ku Palestine ciindi eci . . . Oh, amukombe! Bali mukubala Bbaibbele eelyo.

226 Kaambo komwe buyo kambi, mpawo Ndi jisi mubuzyo, muniini mufwaafwi awa, nkabela nku koonse kwabo. Oyu umwi awa Ndi yeeya kuti mupailo.

227 Amulange eci! Dokotela Reidhead wakati, kaimvwi alya kaambaula kuli muna Muhammedi musongo . . .

228 Lino, amu bikke matwi anu mujulu. Ii muna Muhammedi, Nda kajisi kutandila zyuulu zili makumi obilo zya mbabo kaboola ku Mwami Jesu cindi niba kabona zitondezyo a zigambyo omuya mu Africa. Eci . . . Na, peepe, kutali zyuulu zili makumi obilo; bakali zyuulu zili makumi otatwe muli zyoonse. Ndi yeeyela kuti bakali zyuulu zili kkumi zya mbabo bakasika, nkaambo bunji bwakali—bwakali bwa bana Muhammedi. Elyo cindi niba kaima okuya, elyo Nda kati, “Nguni umwi wa basinsimi banu ku tempele ukonzya kubamba muntu oyu kuba kabotu?” Nda kati, “Nguni umwi wa mituni yanu, kuli ndinywe basicisi, uukonzya ku muponya muntu oyu?” Nda kati, “Taakwe umwi wabo! Taakwe musinsimi ku tempele . . . alimwi taakwe mupaizi, mubwini.” Elyo Nda kati, “Taakwe mutuni wakali kukonzya kucicita. Alimwi ambebo Nse kakonzya. Pele Leza wa Julu wakabusya Mwana Wakwe Jesu Kristo Oyo uupona akati ka muntu sunu, Oyo wamubamba kuona cakumaninina mbuli mbo mumubwene kaimvwi.” Ii muntu ujisi nketani ku nsingo yakwe, wakacita kumu sololela mbuli mubwa. Mu ciindi cimwi ca miniti wakaliimvwi ku matende akwe, kali kabotu a kabotu.

229 Elyo Mwiyi Reidhead waka ndaambila busiku bumwi cindi nitwa kakkede okuya mu mootokala, wa kati, “Oh, ma!” kuyeeya ncico. Wa kati oyu muna Mohammedi wakasika kuli nguwe, a kwaamba kuti wakali kwaambaula kuli oyu muna Mohammedi, muntu walwiiyo maningi. Wa kati, “Ee, munene, nkaambonzi tokaki caantagalala musinsimi wako mudaala ufwide, Muhammedi?”

230 Lino, amuyeeye, bana Mohammedi basyoma muli Leza. Kumasena okuya mu—mu Africa, mpati “mulangu,” alimwi “mulangu,” ulalengelela mbuli boobo. Alimwi babweza nsando

mpati ya mupila akuuma boobo, elyo ulalila ku cisi coonse. Elyo boonse bana Mohammedi balaima, a mupaizi kweenda kuzwa atala lya tempele, a kwaamba “Kuli Leza omwe wakasimpe a muumi, alimwi Muhammedi musinsimi Wakwe.”

<sup>231</sup> Abo mbana ba Ishimaele. Mwabona, Hagare, balo mbana ba Abrahamu kuzwa kuli Hagare. Mwabona? Bala syoma muli Jehova Leza wakasimpe, pele bayeeya kuti Jesu... (Oyo wakali... Walo Munununi *wesu*, wakatumba kuli Bamasi kuzwa ku mwanakazi muzyale; Izaka, mwabona, a kwiinda muli Sarah). Elyo lino, ba kaina muli Hagare, Ishimaele, a kuboala bana Muhammedi.

<sup>232</sup> Elyo ku cuumbwe ca Mohammedi, mweelede kuunka kuyo langa, cila botelezya, kabanda kapati okuya. Elyo kwa myaka ili zyuulu zzybilo kwakali mbizi iituba, kayiimvwi alya. Mohammedi wakasyomezya kuti uyo buka kuzwa ku bafu buzuba bumwi a kusotoka kuya ku mbizi eyo a kuzunda inyika. Elyo ziindi zyoonse—zyoonse ba cinca buyo mbizi yomwe kuzwa kuli imbi; kulindila okuya a mulindi uusyomeka, kaimvwi, kalindila Mohammedi kubuka kuzwa ku bafu. Myaka ili zyuulu zzybilo yakainda kuzwa eelyo.

<sup>233</sup> Bala syoma muli Jesu, ba kati Wa kali musinsimi. Aa malambo a Jerusalem wakaindi kuli malende malemu ayakidwe, ayo nga kuboolela Mohammedi. Elyo malende muniini kunselelo awa, oyo nga Jesu. Mwabona, ba kati, “Jesu taka bambulwa, boonse bakali nyongene obo.” Kati, “Wa katanta mbizi a kweenda kuzwa.” Mwabona? Lino, bala—bala syoma obo.

<sup>234</sup> Ba jisi kadomwi kasalala akati ka meso abo. I bantu okuya abo baunka ku India, muyo kabona. Ma, bayoima kuya kumbali kabali zyuulu.

<sup>235</sup> Elyo mpawo Mwiye Reidhead wakati wa kaliimvwi alya, alimwi wa kati, “Lino, nkaambonzi tosiyi oyo musinsimi mudaala wakafwa a kutambula Umwi Oyo wakabuka kuzwa ku bafu, Kristo muumi?” Lino, wa kali sicikolo mupati alimwi wa kalizi nzila ya kubikka majwi akwe.

<sup>236</sup> Kati muna Mohammedi waka mulanga, (muntu, musongo, moonya omuno mu America, waka yiila awa) wa kati, “Munene, siluse munene, ncenzi Jesu wako wakabuka nca konzya kundi citila kwiinda musinsimi wangu nca kacita?” Kati, “Musinsimi wangu wakafwa waka ndisyomezya Bumi kumane lufu. Nce nco eco Jesu nca kacita.” Ee, wa kajisi cintucimwi. Kati, “Lino, boonse babo bakalemba bbuku. Mula syoma na kuti limwi eelyo ngu Jesu wa kalilemba, Nda syoma limwi lya kalembwa a Muhammedi. Boonse baka syomezya Bumi.” Kati, “Ino Jesu inga wandi citila nzi kwiinda wangu—wangu Mohammedi inga wacita?” Ee, muntu, mu tusimpe tubombe, bwalo mbwini. Wa kati, “Pele aniini buyo, munene sibulya.”

Wa kati, “Muhammedi wangu taka ndisyomezya zintu mbuli Jesu wako mbwa kacita. Jesu wanu wakasyomezya. . . Ba kati, ‘Wa kabuka,’ alimwi wakali kuyooba a ndinywe ciindi coonse, kusika ku mamanino aa inyika; a zitondezyo nzizyonya a zigambyo ezyo nzya kacita, muyo zicita azyalo, kulaale ku mamanino aa nyika. Inga waponya balwazi, a kubusya bafu, a kusalazya basicinsenda, a kutanda madaimona.” Kati, “Nda kaiya bukombi bwa Bunakristo, cakumaninina.” Kati, “Lino andi mukone nywebo nobamayi kabaleta Jesu Kristo, alimwi Njo syoma kuti wakabuka kuzwa ku bafu. Pele, kunze lya ceeco. . . Mohammedi taka tusyomezya zintu zili boobo mbuli ezyo, wa ka tusyomezya buyo Buumi kuzwa ku lufu. Elyo nce cintu nciconya nco muyiisa, a kweenguluka cimbi.” I mwaalumi wakali luleme, muna Mohammedi wakali luleme ncobeni.

<sup>237</sup> Mwiyi Reidhead wakati wa kaimikila a kulila. Kati, “Mukwesu Branham, Nda kayeeya nduwe.” Elyo wa kabindaana okuno, a kunjila omuya, elyo Nda kabikka maanza angu ali nguwe, a lubbizyo lwa Muuya Uusalala lwakasika ali nguwe. Elyo lino akwalo ula bona zilengaano a zintuzyonse. Lino lekela muna Muhammedi amu swaane! Walo muntu wandeene!

<sup>238</sup> Nda amba kuti Jesu wesu wakabuka kuzwa ku bafu, Ula pona sunu. Elyo Ula cita zintu nzyoonya sunu Nzya kacita kaindi, misyobo yoonse ya zitondezyo a zigambyo. Alimwi nywebo nobantu basimbaakani nomu kkede konse kusola kupandulula eco kuti taciko, a kwiimpya cibeela cambia cini ca Bbaibbele. Mbo mbubo ncobeni. Jesu Kristo, Mwana wa Leza wakabuka, ula konzya kukanana mu myaambo imbi kwiinda muli nduwe, Ula konzya kusinsima kwiinda muli nduwe, Ula konzya kutondezya zilengaano kwiinda muli nduwe, Ula konzya kupandulula zisyobo zitazizilwe kuli nduwe. Elyo zyoonse ezyo ncibeela Cakwe.

<sup>239</sup> Elyo kubweza cibeela *eci* Cakwe a kusiya cibeela *eco* kuzwa kuli Nguwe, inga kwaba mbuli kundi kosola mu bubili akutola tusolo twangu a mauulu angu ansi akwaamba kuti wandi jata, kakuli cibeela *eci* toka citambuli.

<sup>240</sup> Ula sala kundi tambula cabuzule. . . Elyo nke kaambo Ndili mukambausi wa Makanimabotu azwide oyo usyoma kuti zintuzyonse Leza nzya kaamba kuti Mbwini. Ameni! Bulemu! Nda limvwa mbuli mubumbulusi uusalala ndyoonya lino. Iiyi, munene. Nda Ci syoma!

**7. Matayo 24:29, ikanana zya “I zuba lyakali kusizigwa, i mweezi taukapi mumuni wawo, a nyenyeezi ziyo loka kuzwa ku julu.” Sa eci ciyo citika kakutanaba na kwiinda Kukwempwa, na Jesu katana boola ku kwe- . . . kweendelezya aa nyika?**

<sup>241</sup> Ku buzumini bwangu bubombede, lino, inga Nse. . . Nse zyi, Ndi yeeya kuti ukanana zya Matayo 24, okuya. Lino, Jesu

kakanana zya nyenyeezi a zintu kaziwa, Nda syoma eco ndeelyo Mwaakwe wa Mapenzi kautana talika aa nyika.

<sup>242</sup> Lino, Ndi jisi muyeeyo uugambya loko awa oyo bunji bwanu ngota kozuminana a ndime ali nguwo, baa, Nda ezezya a bamwi bakaindi kabamvwa kuyiisya kwa kainda muli nkuko. Mwabona, Nse syomi kuti Mbungano iyo inda Muciindi ca Mapenzi mapati. Nda syoma Mbungano iyo. . . Amulange, Ndi. . . I nzila biyo Nje yiisya Cizuminano Cipy a nkwiinda ku cimvule ca Cizuminano Cakale, mbuli buyo Muuya Uusalala awa wa buzuba bwa sabata abumwi bumbi. Zintuzyonse ncimvule kaindi okuya.

<sup>243</sup> Lino, amulange kaindi mu Cizuminano Cakale. Cindi mwabona zipenzyo kaziloka, zyakaliko mu Egepita. Embo na? Elyo Leza wakali kuleta bantu Bakwe kuya ku nyika ya cisyomezyo. Sa mbo mbubo? Elyo Israyeli taakwe niya katambula cipenzyo comwe. Mbuli buyo zipenzyo. . . kazitana kuunka, ba kanjila mu Gosheni. Sa mbo mbubo? Elyo zuba tiilya kazima, kwiina mansenya akazwa, kwiina baculwa bakali kuya, taakwe njina zya kaliko, kwiina maguwo amvula okuya, kwiina ndabo zyakali okuya, kwiina kujaya ngombe kwakaliko, a zintu zyoonse nzoba kajisi zyakayobolwa mu Gosheni. Sa mbo mbubo? Ncikozyanyo ca Mbungano kayuunka kakutanaba buyo Mwaakwe wa Mapenzi. Jesu wakati, “Cindi zintu ezi zyatalika kucitika, lungumanya mutwe wako mujulu, lununuko lwako lwaswena.” Mwabona?

<sup>244</sup> Nda syoma kuti mweezi a zuba a nyenyeezi. . . Mpawo ba kati. . . Amu zumanane a ku Li bala, kati, “Elyo bantu bakazuz a kulisisa beni mu i. . . a kuwa atala lyabo. . . kayandaula kulijaya beni, nkabela tiiba kakonzya kucicita, a zintuzyonse.” Nda syoma eco cila citika kakutanaba buyo Mapenzi mapati.

<sup>245</sup> Lino, amulangilile, Mapenzi aboola. Cindi Mapenzi mapati auma, Mbungano yainka kujulu. Lino, amuyeeye, mbungano buyo yalyonse kakutakwe Muuya Uusalala kwiinda Muciindi ca Mapenzi mapati. Balo Mbasale biyo abo baindamo.

<sup>246</sup> Oh, Nda konzya kucumba cintucimwi ciyumu awa, aniini buyo. Sa inga wandipa maminiti ambi otatwe? Ino i—i bantu bakakwempwa bakaitwa, basyaalizi? Sa mbo mbubo? Yaa. . . Nda—Nda amba kuti ngu—ngu Nabwiinga. Lino, basyaalizi baka syaala.

<sup>247</sup> Lino, cindi mwanakazi aunka kuyo tenda patani ya musinsi, ula ambaula kujatikizya nguwo. Uli bikka zintu abusena (sa mbo mbubo?), cibeela ca zintu. Alimwi uli bikka patani yakwe ansi ali ceeci. Ula bamba awo patani mpo yeelede kutendwa. Mbubo?

<sup>248</sup> Oh mukwesu, eci cila mugwasya ncobeni! Nguni usala? Leza ulacita kusala! Sa mbo mbubo? Ta ndili ndime kwaamba, ngo Nguwe kwaamba. Elyo Ula bikka cikozyanyo aali oyo Ngwa yanda. Sa mbo mbubo?



249 Lino, kwakali banakalindu bali kkumi bakainka kuyo swaana Sibwiinga. Sa mbo mbubo?

250 Ino niinzi “nakalindu”? *Nakalindu* caamba “uunjoloma, uusalala.” Sa mbo mbubo? Ino musimbi nakalindu ninzi? Ngo musimbi oyo utana gumwa, ngu nakalindu. Ino ncenzi cimwi cinjoloma, mbuli mafuta aolifa asetekene? Ca amba kuti waka kondolwa kusikila ali mu kusetekana kwawo, kunjoloma kwawo. Niinzi ngolide isetekene? Nciindi alo makanci. . . ya kainda mu kupya a zintuzyonse akujikwa kwa kugusya makanci. Sa mbo mbubo? Butale boonse a piraiti, a zintuzyonse zimbi, zya kajikwa, cili buyo mu bubotu bwazyo.

251 Lino, kwakali bali kkumi bakaunka kuyo swaana Sibwiinga. Jesu wakaamba boobo. Mbo mbubo na? Mbangaye bazuminana a ceeco, amwaambe “Ameni.” [Mbunga yaamba, “Ameni.”—Mul.] Bali kkumi bakainka kuyo Mu swaana. Lino, amulangilile, boonse babo bakali basalala. Ee, kutegwa *basalale* ba keelede “kusalazigwa,” nkaambo oko nkusalazya kulikke, kalonga kasalala ako Leza nka jisi, nkusalazya. Sa mbo mbubo?

252 Lino, amulangilile. Boonse bali kkumi babo baka salazigwa, pele bosanwe tiiba kajisi Mafuta amwi mu malampi abo, nkabela bosanwe baka jisi Mafuta mu malampi abo. Sa mbo mbubo? Ino *Mafuta* aiminina nzi? Lino, kutali kunjoloma, kusetekana. *Mafuta* aiminina “Muuya Uusalala.”

253 Lino, ikuti na Nda amba ceeci ku. . . a kucisa aniini, Nse cikanzi mu nzila Nje cita. Lino, amundi jatile, elyo muta tantamuki kuzwa ku mbungano. Ndili buyo mu cikambaukilo awa kusola ku mugwasya. Mwabona? Lino, amulange, andi mutondezye.

254 Takukwe mbungano ansi ano ikonzya kupona limbi cakujoloma loko kwiinda ya Nazareni mu kuyiisya kwabo, Piligrimu Holinesi a bamwi. Sa mbo mbubo? Bala syoma ncobeni mu kunjoloma kwa kusalazigwa, kutali. . . nokuba ku banakazi babo kusama tubalo, a kufumbwa cintu. Kunjoloma a kusalazigwa, nzila zyoonse, bala cisyoma. I tubunga twa Holinessi, boonse basitulaolao, oko nku yiisya kwabo, bala kusyoma. Uusalala! Banakazi bala sama masusu malamfu a musinsi mulamfu. Mwaalumi akwalo teelede kupeta maboko ashaati lyakwe kutala, bunji bwabo. Zintuzyonse, kutali akwalo kuguma. . . kufweba, kunywa, kufumbwa. . . Taakwe ca ncico, mwabona. Uusalala! To konzyi kupona cakusalala loko.

255 Pele eyo mbungano njionya ya Nazareni, ikuti na muntu inga waamba mu myaambo mu mbungano, inga uyo dubulwa kuzwa ku mulyango. Elyo ba kati tiiba kakonzya akwalo kukkala a omwe. Lino, obo mbwini. Ikuti na to cisyomi, kocisola lomwe, koziba. Amu kabone lomwe. Ba sulaika njionya miyeeyo ya ncico. Ba kati, “Ngu dyabulosi!”

256 Bosanwe babo . . . Kkumi babo bakali banakalindu. Bosanwe bakali basongo abo baka jisi Mafuta mu malampi abo, alimwi bambi bosanwe bakali buyo mbuli kunjoloma a kusalala pele teeba kajisi Mafuta (baka salazigwa, kakutakwe Muuya Uusalala).

257 “Kuli zyaratwe zipa bulunguluzi mu nyika: maanzi, bulowa, Muuya.” Musalali Johane 5:7 . . . Johane Mutaanzi 5:7, mubwini, kati “Kuli zyaratwe zipa bulunguluzi ku Julu: Taata, Mwana, a Muuya Uusalala, ezi zyaratwe zili Comwe. Pele kuli zyaratwe zipa bulunguluzi mu nyika: maanzi, bulowa, a Muuya, tazili comwe pele zila zuminana mbuli comwe.”

258 Lino, to konzyi kuba a Taata kakutakwe kuba a Mwana. To konzyi kuba a Muuya Uusalala kakutakwe kuba a Taata, Mwana, a Muuya Uusalala. Bali Bomwe. Yebo . . . Tabakwe bupambule.

259 Pele inga wa lulamikwa kakutakwe kusalazigwa. Elyo inga wa salazigwa kakutakwe kuba a Muuya Uusalala; amusalale, amupone buumi bunjoloma, akuba aciwa cabukombi, a kukaka Nguzu zya kuponya a kwaambaula mu myaambo a zipego zipati zya Leza (alimwi acimwi cazyo mukati Omuya).

260 Mbaabo banakalindu banu bosanwe basongo baka jisi Mafuta mu malampi abo, lusyomo lwa Kukwempwa, kusyoma zitondezyo zyoonse, zigambyo, zisinsime, a zintu zyoonse. Elyo aba bosanwe bakatendwa kuzwa ku basyaalizi baka gwisigwa.

261 Elyo bamwi babo bakacili banakalindu nkabela taba kasweekede, pele bayo inda Muciindi ca Mapenzi mapati. Jesu wakati “Kuyooaba . . .”

262 Elyo ba kati—ba kati, “Mutupe Mafuta aanu amwi, tu yanda Muuya Uusalala eno.”

263 Lino, kufumbwa muntu ulizi kuti Muuya Uusalala, Zekariya 4, alimwi, oh, Jakobo 5:14, boonse bazi kuti—kuti wiiminina Muuya Uusalala. Lino, ba kati . . . Ako nkekaambo nco tunanika mafuta, kwiiminina Muuya Uusalala; lino, “I Mafuta aa Muuya,” Bbaibbele lya kaamba.

264 Lino, *aba* baka jisi Muuya Uusalala; alimwi *aba* baka salazigwa. *Aba* baka salazigwa *kusanganya* a Muuya Uusalala, kabasyoma zyoonse zikankamanisyo a zintu zyoonse zya Nguzu zya Leza. Zintu zyoonse Leza nzya kaamba Awa, bakali zijisi, ku cisyoma. *Aba* bakatolwa kujulu.

265 Elyo *aba* bakati, “Amu tupe, kuli ndiswe, lino.”

266 Kati, “Tu jisi buyo akkwene kuti tunjilile a,” elyo mbaabo bakaunka mu Kukwempwa.

267 Elyo ba kati, “Kamuya mukaula kuzwa kuli baabo basambala kuli ndinywe,” ba kati. Elyo bakaunka kusola kukomba kwa kuzwidilila, kwa kutambula Muuya Uusalala, pele bubanze bwa Bamasi bwaka manzigwa a kupenzegwa

kwakabuka. Elyo Wa kati, “Ba kasowelwa mu mudima waanze oko kuyooba kulila a koomoka a kuluma ntwinu.” Pele mu bubuke bwabili bayooba mbelele ezyo zyakaandanisigwa kuzwa ku mpongo, pele kutali Nabwiinga, kutali Basale. Oyo musyaalizi wa Lunyungu lwa mwanakazi.

<sup>268</sup> Ino basyaalizi niinzi? I kabeela ako katendwa, kakasyaala. Musyobo nguonya wa zintu. Sa mbo mbubo? Ula unka kutenda dresi lyako kuzwa kuli kkaliko, a kuyanzala cibeela cipati ca kkaliko aku citenda. Ni ncito yako awo mpo bikka mukozyanyo. Ni ncito ya Leza awo Mpa kbikka patani. Ula mugonka kabotu. Sa mbo mbubo? Elyo lino eci, cimwi ca kkaliko eyi yasyaala awa, ncibotu mbubonya mbuli kkaliko ili mu dresi. Mbo mbubo na? Pele nkusala kwa Leza. Leza ulasala Mbungano Yakwe, Leza ulakanza Mbungano Yakwe; Leza wakai salakale eyo, usalila limwi Mbungano Yakwe, nkabela Ula igwisya Mbungano eyo! Elyo basyaalizi bayo syaala mu Mwaakwe wa Mapenzi.

<sup>269</sup> Elyo mpe mpawo basicikolo banji ba Bbaibbele sunu mpo banyongana, kuyeeya kuti Nabwiinga uli okuya kulaale mu Mapenzi mapati. Ii mulombwana waka ndaambila, kati, “Nse ka konzya ku kwaambila, Mukwesu Branham.” Kati, “Nda kabona Nabwiinga kutala ku Julu. Elyo simwaaba kapiila maanzi kuzwa ku mulomo wakwe kuti alwane Nabwiinga. Elyo bali zyuulu zili mwaanda amakumi one abone, bali ngu Nabwiinga, kabaimvwi aa Cilundu ca Sinai.”

<sup>270</sup> Nda kati, “Oh, peepe. Peepe. Peepe. Peepe. Wa kaci nyonganya coonse. I Nabwiinga wakali ku Julu.” Elyo *basyaalizi* ba Lunyungu lwa mwanakazi, kutali lwakwe... kutali cikozyanyo, basyaalizi bakaliko, a kupenzegwa (Bulelo bwaba Roma) cindi Bunakatolika bwa kuvwaana alimwi baya kukamantanya inguzu zyabotomwe a mbungano Mpati.

<sup>271</sup> Baa, bali ijisi kabotu... Cakali aa televizhioni busiku bumwi. I mbungano ya Methodisti ili mukusola kukamantanya Methodisti a Baptisti a mabungano oonse aazwide a Kristo bali mukusola kukamantana a Bunakatolika a kwiima kumbele lya cipaililo comwe cantangalala. Ino bishopo wa kaamba nzi cindi naka bikkwa ku kubetekwa busiku bumwi, okuya kuba muna Kkomunisti? Nda kaliimvwi, nke cilangide aa cipekupeku lwangu. Boonse makamu aa mbabo! Elyo cindi eco casika, kuyooba kupenzegwa kuyo buka. Mpawo Muuya Uusalala uyoowa, a ba Methodisti, a ba Baptisti, a boonse, bayo ambaula a myaambo, alumbwe Leza, a kuponya baciswa a kusinsima, a zitondezyo a zigambyo zyoonse ziyo boola. I Basale bayo unka kujulu, a basyaalizi bayo syaala awa kuyo inda Muciindi ca Mapenzi mapati. Elyo ku mamanino aa ciindi, cindi babona eco cakacitika, bayo elela kuunka kumusanza mu ciimo cakujaigwa nkambo ka lusyomo lwabo.

<sup>272</sup> Mpawo langa. Yebo wati, “Ee, lino, Mukwesu Branham, sena waamba kundaambila kuti kuyooba...kuti—kuti bantu

abo bayooba okuya ku Lubeta lwa Cuuno cabwami Cituba?" Bayo . . . I Nabwiinga taka betekwi pe. Peepe, munene. Uli muli Kristo. Mbobuti mbo njila muli Kristo? "Ku Muuya omwe toonse twa kabbizigwa mu Mubili omwe." Sa mbo mbubo?

<sup>273</sup> Lino, amulange, amulange awa. I Bbaibbele lyakati, "Lubeta lwa kabambwa, nkabela Mabbuku aka julwa." Sa mbo mbubo? Mabbuku aa basizibi. "Elyo Bbuku limbi lyaka julwa," lili ndi Bbuku lya Buumi, alimwi muntu aumwi waka betekwa boobu. Sa mbo mbubo? Elyo nguni wakali kucita mubetesi? Jesu a Basalali. Wa kati, "Wa kaboola ku kutauka, Nguni wesu Sinsiku wa Mazuba, Oyo ujisi masusu mbuli boya bwambelele." Elyo kati, "Bali zyuulu zili kkumi taimuzi zyuulu zili kkumi bakasika a Nguwe, a kukutauka kuli Nguwe mu Lubeta." Awa Jesu wajoka mbuli Mwaami a Namalelo, Mucado wa mana, nkabela Uli kwete. Ngooyu Mwaami a Namalelo kabaimvwi awa. Elyo mpaawo kwiimvwi nkamu eyo yakasalazigwa, Leza wakati, "Mwiime ku lubazu Lwangu lwa lulyo awa." Eelyo nde Bbuku lyaka juka, bakali basizibi, "Kamuya ku lumwensi Lwangu." Mbaaba bamwi bajisi mazina abo alembedwe mu Bbuku lya Buumi ilya Mwanaambelele.

<sup>274</sup> Yebo wati, "Mukwesu Branham, zina lyangu lili lembedwe awo, Njo unka!" Lindila aniini! Judasi Iskarioti waka salazigwa. Fyuu! Mukwesu, sinsimuka lino, lisyambe, kutegwa ukonzye kumvwa Ceeci, yebo wabona.

<sup>275</sup> Judasi Iskarioti, muuya wakwe ngu sinkondonyinakristo sunu. Nywebo mulizi eco. Jesu wakali Mwana wa Leza, wakazwa kuli Leza a kubweeda kuli Leza; Judasi wakali mwana wa lunyonyooko, wakazwa ku gehena a kubweeda ku gehena. Jesu wakatolelela sizibi weempwa a Nguwe; Judasi wakatolelela uteempwi a nguwe, "*Ikuti* na uli! Ikuti na uli! Ikuti na uli! Ikuti na uli sikuponya wa Buleza, cita *eci*, Ikuti na uli *Eci*, cita *eci*." (Mwabona, eyo kkweshini maaki ku Ijwi lya Leza.) "I mazuba aa maleele akainda. Ikuti na cacita, kondi tondezya *ceeci*. Ikuti na! Ikuti na! Ikuti na!" Mwabona?

"Koonse mbwini," Leza wakaamba.

<sup>276</sup> Lino amulangilile. Judasi Iskarioti waka lulamikwa ku lusyomo, a kusyoma Mwami Jesu Kristo nkabela waka bapatizigwa. I Bbaibbele lyakati, "Jesu—Jesu wakabbizya basikwiya, basikwiya Bakwe." Yaa.

<sup>277</sup> Musalali Johane 17:17, Ka tana konzya kubatuma kumasena, Wa kati, "Koba salazya, Taata, kwiinda mu Bwini. Ijwi Lyako Mbwini." Elyo Wa kali Ijwi, akwalo mulungo kautana bambwa. Mu majwi amwi, "Mbuli kutondezegwa kuciza, Taata, kwa Bulowa Bwangu bwakatika, Nda salazya aba."

<sup>278</sup> Wa kabapa nguzu zyakulwana myuuya mibi, nkabela bakaunka kumasena a kutanda madaimona. Sa mbo mbubo? Elyo baka ponya baciswa. Sa mbo mbubo? Elyo baka jokela,

bakasalazigwa, kabasekelela, kabasotauka, kaboongolola, a kulumbaizya Leza. Sa mbo mbubo? Elyo kati, “Alo madaimona atu swiilila.”

279 Elyo Jesu wakati, “Muta sekeleli nkaambo kakuti madaimona amu swiilila, pele amusekelele nkaambo mazina anu alilembedwe mu Bbuku Iya Julu.” Sa mbo mbubo? Elyo Judasi Iskarioti wakali ambabo, umwi wabo, wakaitwa kuzwa, wakasalazigwa, a zina lyakwe kalilembedwe mu Bbuku Iya Buumi Ilya Kabelele. Amubale Matayo 10 a kubona ikuti na eco tacili kabotu. Wa kaita umwi aumwi wabo, a Judasi a boonse babo, nkoonya kunselelo kuya. Wa kabatuma kumasena, kubapa nguzu zyakulwana myuuya mibi.

280 Lino amulangilile! Amusame zikobela zyanu zikasya kulebuka. Pele cindi Judasi naka boola ncobeni kwiinda mu mbungano eyo kuya, mbuli muyobozi wa mbungano, kubeleka a mweembeli, i. . . Jesu. Pele cindi nicakasika ku Pentekoste, wa katondezya bube bwakwe bwini. Wa katondezya obo mbwa kabede. Elyo a—a kulilemeka kweelede kujatikizya nguwe, wa kalinyonyoona mwini a kulyaanzika mwini aa cisamu ca sukamo, ku kuzulizya cisinsimi. Elyo oyo muuya wa Judasi uyo boola ncobeni a kusyoma Mwami Jesu Kristo. Mbuli Jesu mbwa kaamba, “I madaimona ala syoma a kukankama.” Uyo boola ncobeni a kuyiisya kusalazigwa, kunjoloma buyo buumi busalala mbuli mbo bukonzya kuba; pele cindi caboola ku lubbizyo lwa Muuya Uusalala a zipego zya Muuya, uyo Li kaka! Uyo tondezya bube bwakwe ziindi zyoonse. Ngooyo muuya mo- . . .

281 Elyo Jesu wakati, “Amucenjele!” Matayo 24, alubo. “I myuuya yobile iyo tandila kukozyanya loko mane kuyo cenga mbabonya Basale. . .” Sa mbo mbubo? Awo patani eyo mpoi bikkidwe. . . Mukwesu, ncibotu wa syoma mu bakambausi bacyianza cakaindi, bazwide ba Muuya Uusalala koonse okuno a kululama kuli Leza. Mbo mbubo. Taba jisi ciwa cabukombi a kukaka Nguzu zya mbubo. Ameni! Bantu boonse balimvwa kabotu? [Mbunga yaamba, “Ameni.”—Mul.]

Cindi toonse twa sika ku Julu,  
Ino bunooli buzuba bwa kukkomana!  
Cindi toonse twa bona Jesu,  
Tuyo imba a koongolola kuzunda.

Cindi toonse twa sika ku Julu,  
Ino bunooli buzuba bwa kukkomana!  
Cindi toonse twa bona Jesu,  
Tuyo imba a koongolola kuzunda.

282 Aleluya! Atwi imikile aniini buyo. Mbangaye ba Mu yanda a moyo wanu oonse? Tambika janza lyako, kwaamba, “Alumbwe Mwami.” [Mbunga yaloolola Mukwesu Branham—Mul.] “Mwami, Nda syoma Makanimabotu aazwide. Kondi gwasya


kuba mulanda Wako.” Aleluya! Aleluya! Sena mula Mu yanda? [“Ameni.”] Mu Bbaibbele ba . . .

<sup>283</sup> Ii mwanakazi wakati kuli ndime umwi . . . mulombe, inga kano swiilila sunumasiku, ukkala kulanduka kagwagwa. Wa kaboola okuya. Elyo Mucizi Lula wakali kuboola okuno ku mbungano, waa kali koongolola kusule okuya. Nda kali kukambauka, Mukwesu Neville. Elyo mulombe oyo wakati kuli ndime . . . Lino, wa kali mwiiyi wa cikolo ca Munsondo kunselelo okuno ku mbungano ya Baptisti Ntaanzi. Wa kati, “Billy, Ndali kubotelwa nkambauko yako kusikila oyo mwanakazi wakatalika kulila a koongolola, ‘Nda Kulumba, Jesu! Alumbwe Mwami!’ Elyo muziindi zisyoonto” kati “muntu umwi wakati,” (Mukwesu Seward) “kaongolola, ‘Alumbwe Mwami! Ameni!’” Elyo Nda kali kukambauka aa *Kusweekelwa Nguzu Zyako Zyakuzyalwa*, Esau wakasambala Bupati bwakwe. Elyo Nda kali kuzumanana, elyo bakali koongolola buyo, kuyabuya. Elyo kati, “Oooh,” kati, “eco—eco cibamba buyo kulimvwa mpeyo kweenda kusule lyangu.” Kati, “Nse kakonzya kuzunda ceeco!”

<sup>284</sup> Nda kati, “Mukwesu, ikuti na wasola kusika ku Julu inga uyo tontola calufu.” Nda kati, “Kuli masimpe koongolola ku Julu, isikati a masiku.” Elyo mbo mbubo, mukwesu. Oh, iiyi, munene!

Oh, Ndi yanda ku Mu bona, kulanga ku busyu  
Bwakwe,  
Kuya kwiimba luzyalo Lwakwe lufutula  
kwalyonse;  
Mu tugwagwa twa Bulemu andi nyamune jwi  
lyangu;  
Mapakasyo onse ainda, kwasikwa ku muunzi  
kumamanino, kutangala lyonse.

Oh, Ndi yanda ku Mu bona, kulanga ku busyu  
Bwakwe,  
Kuya kwiimba luzyalo Lwakwe lufutula  
kwalyonse;  
Mu tugwagwa twa Bulemu andi nyamune jwi  
lyangu;  
Mapakasyo onse ainda, kwasikwa ku muunzi  
kumamanino, kutangala lyonse.

<sup>285</sup> Ameni! Ncibotu, Mukwesu Neville. Leza aku longezye. Kotanta eni awo nkabela nci cako, wabona. 

*MIBUZYO A BWIINGUZI YA MATALIKILO* TNG53-0729  
(Questions and Answers on Genesis)

MATOBELANWA AA KULILEMEKA, MALAILILE A NJIISYO ZYA MBUNGANO

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa muli Bwatatu mangolezya, Kunkumunamasamu 29, 1953, ku Branham Tabernacle mu Jeffersonville, Indiana, U.S.A., wa kagu sigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obo busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2022 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Kuzibya Kwa Nguzu Zyakkopi

Nguzu zyoonse zilitaminidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyobolwa mu ciyanza cakujokolosya, kusandululwa mu misyobo iimbi, na kubelesegeka kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)